


歷代職官表 一九







表官職代歷

(九十)

纂修敕奉等塔永

歷代職官表卷六十六

聖賢後裔世職併衍聖公官屬表

士博經五院林翰	公 聖 衍	漢
	侯褒成	後漢
	侯褒成	三國
	侯宗聖	晉
	侯奉聖亭	宋齊
	奉聖侯	梁陳
	崇聖大	北魏
	恭聖侯	北齊
	鄒國公	後周
	紹聖侯	隋
	文宣聖侯	唐
	文宣公	五季
		宋
		遼
	衍聖公	金
院子思書	衍聖公	元
山長	衍聖公	明
土五經博院	衍聖公	

正學監子國襲世	錄學監子國襲世	士博寺常太襲世
學國正子監	院泗尼山二山長書洙	士太常博

官品六襲世	廟執事官	錄授教學氏四
令軍功令兼文 泗曹兗曲宣 水參州阜公		
阜主兼文 令簿曲宣 曲阜公		
源後文 縣住宣 官仙公		學授廟 錄正
令兼衍 曲聖 阜公		
尹曲孔 阜氏爲 縣爲		學授廟 錄正
襲曲 知阜 縣世		學教四學授授三 錄正授氏錄司氏 學教

勾 管 田 屯	籍 典 閣 文 奎	司 樂
管勾	典籍	司樂
管勾	典籍	司樂

書 掌	印 知	戶百司衛守廟林
		卒百守 史石廟
		吏百守 卒石廟
掌書		
掌書	知印	衛林 百廟 戶守

官 件 隨 朝	差 奏	寫 書
官 件 隨 朝	奏 差	書 寫

衍聖公世封聖賢後裔世職并孔林各官

國朝官制

衍聖公世襲一品正

掌奉至聖孔子闕里廟祀。順治元年題准封爵一如前朝階正一品班列尙書上二年改賜三臺銀印十三年依例授光祿大夫十六年依例給清漢文三臺銀印乾隆十四年改給清漢篆文一品三臺銀印有大慶典衍聖公並蒙錫蔭初公階正一品而蔭子則仍依正二品康熙六十一年始視正一品廢一子五品官著爲例。

聖賢後裔翰林院五經博士二十六人正八品俱世襲

孔氏北宗一人掌奉中庸書院祀南宗一人掌奉衢州孔子廟祀元聖周公復聖顏子宗聖曾子亞聖孟子先賢仲子閔子冉子伯牛冉子仲弓端木子言子卜子顥孫子有子周子明道程子伊川程子張子邵子後裔各一人朱子後裔二人先儒韓子後裔一人關氏後裔三人各掌奉其先世之祀孔氏北宗以衍聖公次子承襲餘並以嫡子襲孔氏顏氏曾氏孟氏東野氏仲氏閔氏冉氏端木氏卜氏言氏顥孫氏有氏博士十五人屬於衍聖公餘各就其家除授有關則督撫核明應襲之人咨

部題請承襲。

聖裔太常寺博士一人。正七品·世襲·

掌奉聖澤書院祀。以衍聖公第三子承襲。

聖裔國子監學錄二人。正八品·世襲·

一奉尼山書院祀。一奉洙泗書院祀。並由衍聖公於族內選用。

聖裔國子監學正一人。正八品·世襲·

掌奉儀封聖廟祀。順治八年。衍聖公奏准世襲如故。

聖裔世襲六品官一人。

掌分獻崇聖祠。國初仍前代曲阜用孔氏世職知縣。乾隆六年。山東巡撫白鐘山言。曲阜知縣向由衍聖公保舉選用。每多瞻徇。請在外揀選調補。不必拘用孔氏奉旨允行。以現任世職知縣授爲世襲六品官。遇有缺出。揀選調補。悉照執事官之例。

四氏學教授一人。正七品·學錄·正八品·

教授掌訓課孔、顏、曾、孟四氏生徒。以學錄文行兼優。歷俸六年者陞補學錄。掌副教授訓迪生徒。而教公之子弟。於孔氏歲貢、廩生捐貢及廩生內選用。初教授學錄止由衍聖公保舉。咨部除授。乾隆

二十六年，山東布政使奏定。令衍聖公將揀選應補人員，移送撫臣驗看，送部具題。

聖廟執事官四十人。

三品二人·四品四人·五品六人·七品八人·八品十人·九品十人

掌凡祭祀分獻及爵帛香祝之執事。雍正四年，特旨增設各按品級給章服。著衍聖公於孔氏子孫內選擇人品端方威儀嫋雅者，報部充補。每年各給俸祿銀二十兩。或曾經出仕而退休在籍，或身有職銜而未曾出仕，以及貢監生童等，皆可入選。

司樂一人。奎文閣典籍一人。屯田管勾一人。並正七品。林廟守衛司百戶一人。秩視衛正七品。知印一人。掌書一人。

書寫一人。奏差一人。隨朝伴官六人。並正七品。

司樂掌樂章樂器，而教肄樂生典籍。掌奎文閣書籍及禮生管勾。掌祀田錢穀之出入。祭祀則供其牲牷粢盛。治膳羞醯醢之屬。其屬有屯官八員。鉅野、鄆城、平陽各二人。東阿、獨山、二屯各一人。分掌五屯以供祀事。百戶掌陵廟之戶籍。供其洒埽戶役之事。主守禮器。祭祀則司滌濯。掌犧牲之宰割。自司樂以下分職治事。凡四司知印掌書書寫掌公府文書信印奏差掌齋衍聖公表箋章奏隨朝伴官掌隨從衍聖公朝覲辦事。初無常員。遇朝覲輒咨部給銜。乾隆十五年始額定六員以上官皆由衍聖公保舉咨部補授。

歷代建置

漢

【山東通志】孔子九世孫騰漢高帝過魯封爲奉嗣君。一云奉聖君。謹案·奉嗣·闕里文獻考·

·孔氏世嫡自漢高帝過魯封九世孫騰爲奉祀君·疑此有傳訛·

【闕重文獻考】孔氏世嫡自漢高帝過魯封九世孫騰爲奉祀君始創推恩之例。

【漢書孔光列傳】元帝即位徵孔霸以師賜爵關內侯食邑八百戶號襄成君霸上嘗求奉孔子祀元帝下詔曰其令師襄成君關內侯霸以所食邑八百戶祀孔子焉。

【荀悅漢紀】元始元年封周公後公孫相如爲襄成侯。孔子後孔均爲襄成侯追諡孔子爲襄成宣尼公。

【漢書平帝本紀】元始元年封孔子後孔均爲襄成侯奉其祀。

【漢書恩澤侯表】襄成侯均以襄成烈侯霸曾孫奉孔子後侯。

【謹案】孔騰奉祀之封不見於史通典敍聖裔封爵始於孔霸然霸自以帝師蒙恩非由先聖得封如前此尙有蓼侯聚矣至元始襄成之侯是爲尊崇先聖後裔世爵之始。

【袁宏後漢紀】建武五年封孔子後孔安爲殷紹嘉公十三年殷紹嘉公爲宋公周承休公爲衛公十四年夏四月辛巳封孔子後孔志爲襄成侯。

【後漢書光武帝本紀】建武十四年封孔子後孔志爲襄成侯。

【後漢書儒林列傳】世祖封均子志爲褒成侯。志卒，後子捐嗣。永元四年，徙爲褒亭侯。世世相傳，至獻帝初國絕。

【洪适隸釋】後漢魯相乙瑛置孔子廟卒史碑。司徒臣雄、司空臣戒、稽首言：魯前相瑛言，詔書崇聖道，勉六藝。孔子作春秋，制孝經，演易繫辭，經緯天地，幽贊神明，故特立廟。褒成侯四時來祠，事已卽去。廟有禮器，無常人掌領，請置百石卒史一人，典主守廟春秋饗禮，則出王家錢給大酒直。臣愚以爲如瑛言可許。制曰：可。永興元年，魯相平、行長史事卞守長擅言詔書爲孔廟百石卒史一人掌主禮器，選年卅以上經通一藝，雜試能奉宏先聖之禮，爲宗所歸者。謹案文書守文學掾魯孔龢師孔憲、戶曹史孔覽等雜試，龢修春秋嚴氏經，通高第，事親至孝，能奉先聖之禮，爲宗所歸，除龢補名。

謹案後漢書儒林傳：永元四年，褒成侯捐徙封褒亭侯。然魯相乙瑛立卒史碑，韓敕造孔子廟禮器碑，史晨祠孔子廟碑，皆稱褒成之封。瑛碑立於永興元年，敕碑立於永壽二年，晨碑立於建寧二年，皆在永元之後，是捐未嘗徙封，傳之誤爾。

三國

【三國魏志文帝本紀】黃初二年，詔以議郎孔羨爲宗聖侯。邑百戶，奉孔子祀。令魯郡修起舊廟，置百戶吏卒以守衛之。

【隸釋】魏魯孔子廟碑。黃初元年，大魏受命。以魯郡百戶，命孔子二十一世議郎孔羨爲宗聖侯。令魯郡修起舊廟，置百石吏卒以守衛之。洪云：魏志黃初二年正月，詔以議郎孔羨爲宗聖侯，奉孔子祀。令魯郡修起舊廟，置吏卒守衛。碑云元年，史作二年，誤也。後漢書孔僖傳注以羨爲崇聖侯，亦誤也。

謹案黃初宗聖之封，史以爲二年，碑以爲元年。或據碑謂史誤非也。文帝受禪在建安二十五年十一月，越二月即爲二年。碑因孔羨之封，追本受禪之事而言之爾。至百石吏卒，卽漢之百石卒史。史作百戶，則其誤無疑。但漢卒史乃吏名，而魏志及碑皆作吏卒，則有不可曉者。

晉

【晉書武帝本紀】泰始三年，徙宗聖侯孔震爲奉聖亭侯。太元十一年秋八月庚午，封孔靖之爲奉聖亭侯，奉宣尼祀。

宋齊梁陳

【宋書禮志】奉聖亭侯孔亭，五世孫繼之，替慢不祀。宋文帝元嘉八年，有司奏奪爵。至十九年又授孔隱之兄子熙先謀逆，又失爵。二十八年更以孔惠雲爲奉聖侯。後有重疾失爵。孝武大明二年，又以孔邁爲奉聖侯。

【宋書文帝本紀】元嘉十九年，詔奉聖之嗣，速議繼襲。魯郡民孔景等五戶，居近孔子墓側，蠲其課役，供給洒掃。

謹案漢始置孔氏守廟百石卒史，至宋時但給洒掃戶，則百石卒史意晉時亦不復置矣。明始以洒掃戶有才德者充林廟守衛百戶，則洒掃戶雖非官而歷代相承實林廟守衛司百戶所由始，故附載其事以著緣起，而表則不列。其後來所設之洒掃戶亦不瑣載焉。

【南史梁敬帝本紀】太平二年，詔求魯國孔氏族爲奉聖侯。

【南史陳廢帝本紀】光大元年，以儀同三司兼從事中郎孔英，悉爲奉聖亭侯奉孔子祀。

北魏

【北史魏孝文帝本紀】延興三年，詔以孔子二十八世孫魯郡孔乘爲崇聖大夫，給十戶以供洒掃。太和十九年，幸魯城，親祠孔子廟，詔拜孔氏四人、顏氏二人爲官。又詔選孔氏子孫一人，封崇聖侯，邑百戶，以奉孔子祀。

謹案文獻通考後魏封孔子二十七葉孫乘爲崇聖大夫，孝文太和十九年改封二十八葉孫珍爲崇聖侯。與北史孝文紀以孔乘爲二十八世孫互異。又考太和十九年詔拜顏氏二人爲官，是爲襲錄顏氏之始。

北齊

【北史齊文宣帝本紀】天保元年，詔改封崇聖侯孔長爲恭聖侯，邑一百戶，以奉孔子祀。
【馬端臨文獻通考】北齊，改封三十一代孫爲恭聖侯。

後周

【北史周宣帝本紀】大象二年，詔進封孔子爲鄒國公，邑數準舊立後承襲。

隋

【文獻通考】隋文帝仍舊封孔子後爲鄒國公，煬帝改封爲紹聖侯。

【隋書煬帝本紀】大業四年，詔立孔子後爲紹聖侯。

唐

【唐書禮樂志】高祖武德九年，封孔子之後爲襄聖侯。

【杜佑通典】唐貞觀十一年，封孔子裔德倫爲襄聖侯。神龍初授襄聖侯崇階朝散大夫，仍許子孫傳襲。

【新唐書禮志】武后天授元年，封孔子爲隆道公。神龍元年，以鄒魯百戶爲隆道公采邑，以奉歲祀。子孫世襲襄聖侯。

【舊唐書元宗本紀】開元二十七年追贈孔宣父爲文宣王。襄聖侯改封文宣公。

【闕里文獻考】三十五代孫璉之唐元宗開元二十七年詔謚孔子曰文宣王以其嗣爲文宣公任長吏代代勿絕三十六代萱襲封文宣公兼兗州泗水令三十七代齊卿唐德宗建中三年襲封文宣公兼兗州功曹三十八代惟畊憲宗元和十三年襲封文宣公授兗州參軍三十九代策明經及第授曲阜縣尉襲封文宣公四十一代昭儉襲封文宣公兼曲阜令。

【劉肅大唐新語】自漢魏以來歷代皆封孔子後爲襄成侯或號襄聖侯至開元二十七年詔冊孔子爲文宣王其嗣襄成侯改封文宣公令右丞相裴耀卿攝太尉持節就國子監冊命訖有司奠祭樂用宮懸八佾之舞詔曰宏我王化在乎儒術皆發揮此道啟迪含靈則生人以來未有如夫子也所謂自天攸縱將聖多能德配乾坤身揭日月故能致天下之太平成天下之大經美政教移風俗君君臣臣父父子子人到於今受其賜不其猗歟文多不盡載。

【山東通志】四十一代昭儉襲封文宣公累宰曲阜子光嗣哀帝天祐二年授泗水令林廟主。

謹案呂兆祥陋巷志載唐德宗貞元六年南郊赦書節文授四十一代孫頽五品正員官文宗以四十三代孫覽爲殿中侍御史宏式爲同州參軍皆推恩聖裔特加敍錄非官制之常故今刪不錄。

五季

【山東通志】光嗣爲灑掃戶孔末所害。末自爲曲阜令。光嗣子仁玉育於外家。長訴於朝。乃誅末後。唐時以仁玉襲封文宣公。

【闕里文獻考】孔氏子孫爲曲阜縣令。昉於唐咸通間。續至後唐。始以文宣公兼之。四十三代仁玉。孔末之亂。生甫九月。匿於外家。後唐明宗長興元年。魯人訴於朝。乃誅末。以公主孔子祀。授曲阜主簿。三年。選龔邱令。封文宣公。晉高祖天福五年。改曲阜令。後周太祖廣順二年。詔以曲阜令兼監察御史。

【呂兆祥陋巷志】後周太祖廣順二年。駕幸曲阜。詔顏子之後。以四十六代孫涉。授曲阜縣主簿。謹案。此事雖於官制無關。然歷代卒以世爵崇孔氏。而褒錄諸賢後裔者。明以前不數見。故亦存之。以著緣起。

宋

【文獻通考】太祖乾德四年。以文宣王四十四代陵廟主進士孔宣。爲兗州曲阜縣主簿。太宗太平興國三年。孔宜可授太子贊善大夫。襲封文宣公。天禧元年。以文宣王四十六代孫光祿寺丞聖佑。襲封文宣公。

【宋史祖無擇列傳】至和二年上言，開元謚孔子爲文宣王。以其後爲文宣公。以祖之美謚而加後嗣，不經甚矣。乞明詔有司詳求古制，別定美號。於是下近臣議，改爲衍聖公。

【宋史哲宗本紀】元祐元年，改封孔子後爲奉聖公，不預他職。

謹案聖裔封號前代更易不一。而衍聖公之號始於宋至和二年。至元祐又改爲奉聖。旋又復舊。自是以後相承不改焉。

【闕里文獻考】元張頡廟學記孔子舊宅，因廟建學。昉於魏之黃初，其間興廢不常。有宋大中祥符三年，殿中丞公自牧奏就廟側創學。帝曰：講學道藝貴近廟庭，當許於齋廳內說書。乾興元年，孫宣公守兗州，於廟建學，請以楊光輔爲講書奉禮郎，始賜學田。元祐四年，尹復泰以文潞公薦爲教授，給田二十頃，以贍生員、選任教導。其重如此。要必以講六經之道，傳聖人心法爲職，而小學之教節目織悉宜有分任其事者。考之碑刻，則學正錄皆孔氏子孫爲之。蓋當時乃教授自署，毋亦選擇而使以寓激勸與抑。因其親愛俾帥幼而入學者與。

【山東通志】宋真宗大中祥符二年，就廟建學，以訓孔氏子孫。哲宗元祐元年，置教授一員，於舉到文官內差，或委本路監司保舉有行義人充令教訓。本家子弟尹復泰以文潞公薦爲教授。本年又置學錄一員。

謹案此條所載教授學錄緣起較張頽記爲詳故互見以備考。

【闕里文獻考】明劉健重修三氏學記。闕里三氏學建於宣聖廟之東南。以教孔、顏、孟三氏子孫廟之建其來遠矣。學則自宋大中祥符間始。考厥初止以教孔氏子孫其後益以顏、孟二氏蓋自元祐閒始。

【山東通志】宋真宗改曲阜爲仙源縣。仁宗皇祐三年詔自今仙源縣官復於孔氏子弟中選用。徵宗崇寧間又詔文宣王後常聽一人住兗州仙源縣官有丞有簿有尉大抵皆世職也。

【山東通志】孟子四十五代孫寧宋仁宗景祐四年孔道輔薦於朝授鄆縣主簿奉孟子祀。

謹案此爲彙錄孟氏之始。又闕里文獻考載宋真宗天禧五年詔於夫子後選差朝官一人監督孔氏廟役時道輔以知仙源縣充徽宗崇寧二年詔文宣王家選親族一人判司簿尉事卽以家長承襲元代由省臣擇孔氏中廉幹者一人委充提領監修官依族長授八品冠帶蓋沿其制明初猶以翰林檢閱官孔涇爲族長其後衍聖公自擇族人爲之始無品秩其提領監修官明初改爲提領林廟事亦無品秩沿襲至今國朝則族長沿舊名而提領林廟事改稱林廟舉事亦均無品秩且旣設聖廟執事官卽以執事官兼此二事不復專設故今不載於表中而於狀置之初附載其源流如此。

遼末置

謹案遼史不載孔氏世爵亦無先賢之裔蒙褒錄者蓋聖裔聚族於山東而諸賢之裔亦皆居宋地故也。

金

【金史熙宗本紀】天眷三年以孔氏四十九代孫璠襲封衍聖公。

【闕里文獻考】金廟學教授章宗明昌元年敕於四舉五舉終場進士出身人內選博學經史衆所推服者充秩正八品○元張顥廟學記金氏因之廩賜教育有加無替○金熙宗皇統間仍改仙源爲曲阜章宗承安二年敕衍聖公年及十七許兼曲阜令不許別行差占○金党懷英重修至聖文宣王廟碑廟有層閣以備皮書詔以奎文名之。

謹案此爲奎文閣賜名之始至元乃設官以典之。

【王圻續通考】章宗明昌三年四月詔曰衍聖公秩視四品階正八品不稱可超遷中議大夫永著於令

元

【元史太宗本紀】五年詔以孔子五十一世孫孔元措襲封衍聖公。

歷代職官表

卷六十六

一八三七

【元史孔思晦列傳】孔氏族人相與議。思晦嫡長且賢。宜襲封爵。奉祠事狀上政府。事未決。仁宗親取孔子譜牒。按之曰。以嫡應襲封者。思晦也。復奚疑。特授中議大夫。襲封衍聖公。月俸百緡。加至五百緡。賜四品印。泰定三年。山東廉訪副使王鵬南言。襲封上公。而階止於四品。於格弗稱。明年。升嘉議大夫。至順二年。改賜三品印。

【闕里文獻考】元王思誠。子思書院學田記。鄒之中庸精舍。卽沂國公授受故址。而爲之。延祐二年。朝廷改爲子思書院。設山長。以司訓導。○元潘迪。子思書院新廟記。中庸精舍。大德間宋尹彭擴爲書院。請額設官。朝廷允之。許立子思書院。置山長一員。職視大庠校官。

【山東通志】尼山書院。在尼山之麓。實毓聖之區也。元至順二年。衍聖公孔思晦。請設尼山書院山長。本年。以彭璠爲山長。璠卒。以益都路馬猶子爲山長。洙泗書院。在孔林之東。孔子自衛反魯。與弟子講道於洙泗之上。魯記所載孔子講堂。卽此也。元時創建。請額。至順二年。衍聖公孔思晦。請設山長。聽衍聖公保族人之賢者任之。

【闕里文獻考】元虞集。尼山創建書院記。至順三年。衍聖公孔思晦用林廟管勾簡實埋言。請復尼山祠廟。置官師奉祠。薦彭璠可用。至元二年。中書左丞王公懋德率同列執政者。白丞相。置尼山書院。以璠爲山長。

【山東通志】元世祖中統初詔立曲阜廟學選師儒充教授正錄各一。

【闕里文獻考】元呂思誠加封欽聖王碑世祖龍飛車馬混一自上都大都及天下郡邑立廟學曲阜林廟尤加修崇於是定襲封之嗣除孔氏一人尹曲阜縣。

【山東通志】金元常以衍聖公知縣事故有世襲縣尹武宗至大二年設曲阜廟學典簿一員仁宗延祐七年遣說書王存義赴曲阜以太牢祀孔子是年爲聖廟設司樂一員管勾一員。

【闕里文獻考】掌書設自元成宗元貞二年。

明

【明史儒林列傳】洪武元年命孔希學襲封衍聖公置官屬曰掌書曰典籍曰司樂曰知印曰奏差曰書寫各一人立孔顏孟三氏教授司教授學錄學正各一人立尼山洙泗二書院各設山長一人又命其族人希大爲曲阜世襲知縣。

【明史職官志】衍聖公孔氏世襲正二品抱帶誥命朝班一品洪其屬掌書典籍司樂知印奏差書寫各一人充之皆以流官曲阜知縣孔氏世職洪武元年授孔子五十六代孫希學襲封其子正德元年授孔子五十九世孫彥繩主衢州廟祀宋孔端友從高宗南渡家於衢州此孔氏南宗也正德二年授孔聞禮奉子思廟祀人嘉靖十八年授曾氏一萬厯十五年授孟氏一人景泰三年授顏子周氏一人景泰七年授先儒子六十代孫質粹仲氏一人子路裔孫仲呂孟氏一人子裔孫希文周氏一人周敦頤裔孫冕

程氏二人。景泰七年，授先儒程頤裔孫克仁。崇禎三年，授先儒程顥裔孫接道。邵氏一人。崇禎三年，授先儒邵雍裔孫繼祖。張氏一人。載裔孫文運，以先儒張氏二人。景泰六年，授先儒朱熹裔孫挺。嘉靖二年，又授鄒摯爲博士。奉姜源廟祀。教授司教授品學錄學司流，並未入孔顏曾孟四氏各一人。又尼山洙泗二書院各學錄一人。先是元代封孔子後裔爲衍聖公，賜三品印。洪武元年，太祖旣以孔希學襲封衍聖公，因詔禮臣曰：孔子萬世帝王之師，而其後嗣止三品，弗稱襯崇。其授希學秩二品，賜以銀印。

【闕里文獻考】四氏學學錄宋元祐始置。當時尚有學正一員，與學錄同以孔氏充。而令教授自署金元閒，閒用異姓正錄秩皆九品。明洪武七年，裁學正，止設學錄一員，秩未入流。宣德元年，定以聖裔任。令衍聖公保舉孔氏年德俱尊學問優長者，咨部除授。

【山東通志】聖澤書院孔子宰中都處也。明設太常博士一員，以主祀事。以衍聖公三子承襲。

【闕里文獻考】尼山書院、洙泗書院。元順帝至正二年初設山長，以異姓碩儒任。後令衍聖公保舉族人之賢者爲之。明武宗正德二年，改名學錄，秩從九品。

【山東通志】唐襄德侯孔德倫在河南寧陵創建祖廟。明正統九年，詔遷廟於儀封。嘉靖十四年，特授聖裔爲國子學正，專主祀事。

【闕里文獻考】唐天寶閒，文宣公避亂遷居寧陵者數世。遂於其地建立聖廟。後以子孫流寓寧陵。

者主其祀事會河圯遷居儀封明正統九年詔卽於儀封立廟嘉靖十四年始置官以孔繼寅爲學正秩正九品令世襲

謹案大常博士及國子監學正二官明史職官志及儒林傳皆不載

【闕里文獻考】明劉健重修三氏學記闕里三氏學洪武始定名爲孔顏孟三氏教授司教授學錄各一員學錄卽以孔氏子孫爲之○三氏子孫教授司萬曆年間增入曾氏又改名四氏學○元仁宗延祐三年衍聖公兼曲阜尹思誠以非嫡龍職專尹曲阜其子克欽孫希大皆世襲縣尹明洪武七年希大坐事罷職因改世襲爲世職令衍聖公保舉族人之賢者送部選授領刺赴任○漢魯相乙瑛以孔子廟有禮器無人掌領請置百石卒史一人掌之後世以其管轄洒埽百戶其官遂爲百戶又以職司巡徼有武備焉合典籍司樂管勾等三員爲兵農禮樂四司始用孔氏後以生員明宏治閒始以洒埽戶才德兼優者充之止由衍聖公委用不由部銓注

【山東通志】山東巡撫方大猷請崇聖賢以培人才疏衍聖公屬官員役明洪武元年設管勾一員司五屯錢糧司樂一員司樂舞生典籍一員司禮生書籍掌書一名司文移書寫一名司繕寫知印一名司印務奏差一名司差遣以上皆由衍聖公保舉堪用人數咨部銓用

【闕里文獻考】知印書寫並明洪武二年建隨朝伴官洪武十七年設

謹案聖裔世爵始自西漢若餘官則後漢始置百戶卒史然至晉時已廢後魏孝文嘗官孔氏顏氏而亦未聞世襲也至唐末始以文宣公兼曲阜令宋時又置廟學教授自是歷代相承遞有增設更元及明置官漸備然四時將享主鬯者雖膺上公之封而駿奔者不皆服官之侶至國朝設六等執事官然後奉牲贊采章紱焜煌先聖祀典於是有光真足以補前朝之闕典矣至曲阜世職知縣明隆慶時御史趙可懷已有舉用非人民受其殃之奏而因循不廢者徒以此爲報先師之盛意而無術以善處之爾今以曲阜知縣改授世職六品官品職視舊爲崇而無民社之責爲職事之所不及尊師重道之意通變宜民之術並行不悖斟酌盡善尤爲前代之所不及也

歷代職官表卷六十七

師傅保加銜表

太師	太傅	太太保傅師	三代
太傅	太太保傅師	秦	漢
太傅	太太保傅	後漢	三國
太傅	太太太保傅宰	晉	宋
太傅	太太太保傅宰	陳	齊
太傅	太太太保傅師	北魏	北齊
太傅	太太太保傅師	後周	隋
太傅	太太太保傅師	唐	五季
太傅	太太太保傅師	宋	遼
太傅	太太太保傅師	金	元
太傅	太太太保傅師	明	

保太傅太師太子太	保少傅少師少
保師 氏氏	少少少 保傅師
傅師	
太傅	少 傅
太傅	
太太太 保傅師	
太傅	
太太太 保傅師	
太太太 保傅師	
太太太 保傅師	少少少 保傅師
太太太 保傅師	
太太太 保傅師	
太太太 保傅師	
太太太 保傅師	少少少 保傅師
太太太 保傅師	
太太太 保傅師	
太太太 保傅師	少少少 保傅師

太子少師少傅少保

少傅

少傅

少少少保傅師

少傅

少少少保傅師

少少少保傅師

少傅

少少少保傅師

少少少保傅師

少少少保傅師

少少少保傅師

少少少保傅師

少少少保傅師

少少少保傅師

少少少保傅師

師傅保加銜

國朝官制

太師、太傅、太保、正一品少師、少傅、少保、從一品太子太師、太子太傅、太子太保、從一品太子少師、太子少傅、太子少保、正二品

以上皆虛銜無職掌亦無員額凡大臣宣力中外勞績懋著者則奉特旨加銜或爲贈典以示優寵焉

歷代建置

謹案太師、太傅、太保古謂之三公其貳稱三孤必得其人而後授之無其人則寧闕故曰官不必備惟其人也後漢每一帝卽位必置太傅錄尙書事參預政柄非古義矣其餘各代皆以師傅稱上公位三公上多以他官兼領或不備置三少則或不置元魏始稱三師其實一也若東宮師傅代各殊制亦多以他官兼領者唐天寶以前凡三師官雖有其位而無其人其後多以畀藩鎮得之者或不以爲榮宋政和新制改三師爲三公與三孤多爲階官而東宮六傅領以宰執大臣然三公之濫授莫甚於宣和之際其名尤多不正如鄆王楷以唱名第一超拜太傅景王杞濟王翊

並以國公進太傅。是以子爲師傅也。內侍童貫拜太傅。進太師。是以廝役爲師傅也。嗣是而緇衣黃冠亦間崇以師傅之號。而典章掃地盡矣。明制三公三孤俱爲勳戚文武大臣加官贈官。而東宮師傅亦無定員。無專授。然明世文臣多不敢居三公之位。而東宮師傅類以累考或恩澤得之。亦非慎重名器之意。今詳考歷代之得失。並著於篇。然後知我國家參取古制。用爲加銜。無專權干政之虞。無循資濫授之弊。立法之善。爲前代所不及也。

三代

【禮記文王世子】記曰。虞、夏、商、周有師保。【鄭康成註】記所云。謂天子也。

謹案韓詩外傳三公者何。曰司空、司徒、司馬。司馬主天。司空主地。司徒主人。今尚書歐陽夏侯說。天子三公。一曰司徒。二曰司馬。三曰司空。文子堯之治天下也。舜爲司徒。契爲司馬。禹爲司空。注云。書傳有司馬、司徒、司空。公領三卿。此夏制也。是虞夏以前。以司徒、司馬、司空爲三公矣。古周禮說。天子立三公。曰太師、太保、太傅。五經異義云。周公爲傅。召公爲保。太公爲師。周公、太公無爲司徒、司空之文。知師保傅三公官名也。五帝三王不同物。此周之制也。然則許慎謂五帝三王惟周以師保傅爲三公。周以前則有異。今據文王世子虞夏商周有師保。則五帝三王並如古周禮說。

不特周有師保也。又考路史後紀、黃帝紀、乃立四輔三公六卿三少二十有四官。案靈樞經有黃帝與羅泌之說合。是書雖出僞託。然實採掇諸書而成。亦必依附古義。知舊籍所載。黃帝嘗有是官也。又云陶唐氏立三公六卿百揆暨百執事。然則虞夏商周之前已有師保明矣。非至虞夏商周始創此官也。

【杜佑通典】殷太甲時伊尹爲太保。

謹案環濟要略曰：三公太師、太傅、太保也。殷時有阿衡、伊摯佐之。太甲改爲保衡。皆三公官也。又詩長發篇、鄭康成箋曰：阿衡湯所依倚而取平也。故以爲官名。太甲時曰保衡。書君奭篇。孔安國傳曰：伊尹爲保衡。言天下所取安。所取平均。與杜佑以保衡爲太保立義各異。以今考之。古人所稱有官有號。伊尹之稱阿衡。當由湯倚任至重。加以殊名。如周之有師尚父。非商設有此官。以伊尹充之也。洎乎太甲之世。則以伊尹爲太保。遂兼其官而稱之。謂之保衡。亦如唐宋宰相出鎮。稱使相。宰相封公。稱公相。兼二名而言之。非至太甲之世。又改名保衡也。故書稱罔俾阿衡。專美有商。詩稱實維阿衡。實左右商王。皆不出伊尹之名姓。而後人知爲伊尹。以爲伊尹之專號故也。使阿衡爲商代之官名。豈有專歸一人。以爲稱謂者哉。今從禮記杜佑之說。定商惟有太保。而阿衡之名表中亦刪不錄焉。

【尚書盤庚】邦伯師長。【孔安國傳】衆長公卿也。【孔穎達正義】衆官之長。故爲三公六卿也。

【尚書說命】樹后王君公。【孔穎達正義】三公則君公之內包之。

【尚書微子】父師少師。【孔安國傳】父師太師三公少師孤卿。

謹案漢官儀殷伊尹爲太保。皆餘爲太師。故文王世子註謂殷亦兼有師保。墨子武丁得傅說舉以爲三公。然則殷具三公明矣。史記殷有太師疵、少師彊。抱其樂器以適周。漢書古今人表亦同。蓋皆樂官之長。如論語之太師摯、少師陽。其官名與公孤偶同。實非公孤之職。謹附識於此。

【尚書周官】立太師、太傅、太保。茲惟三公。論道經邦。燮理陰陽。【孔安國傳】師。天子所師法。傳。相天子。保。保安天子于德義者。此惟三公之任。佐王論道。以經緯國事。和理陰陽。言有德者。乃堪之。官不必備。惟其人。【孔安國傳】三公之官。不備員。惟其人有德者。乃處之。少師少傅少保。曰三孤。【孔安國傳】此三官。名曰三孤。孤。特也。言卑于公。尊于卿。特置此三者。武公宏化。寅亮天地。弼予一人。信天地之教。以輔我一人之治。謹案逸周書。武寤解尹氏八士。太師三公咸作有績。神無不饗。別太師於三公之外。與周官之制異。未足據也。

【尚書金縢】二公曰。我其爲王穆卜。【孔穎達正義】武王時三公惟周。召與太公耳。知二公是召公太公也。

【周禮】卿老二鄉。則公一人。【鄭康成註】老。尊稱也。王置六卿。則公有三人也。三公者。內與王論道。中參六官之事。外與六卿之教。其要爲民。是以屬之卿焉。

謹案康成大傳註一公兼二卿舉下以爲稱太宰司徒同職則稱司徒公宗伯司馬同職則稱司馬公司寇司空同職則稱司空公考王置六卿六卿各領一鄉大傳注謂公領二鄉明矣與鄉老文可以互證春秋傳宋立四鄉二師掌之二師猶天子三公也二師掌四鄉則是一公領二鄉也尙襲周官鄉老之制而孔安國書傳謂一公止領一卿豈一公止領一鄉乎未足爲據也

【國語】太保六之太師七之【韋昭注】太保太師天子三公佐王論氾監衆官不得掌事故次之謹案國語此文但及太保太師不及太傅或徇農之事太傅不與非無其職也太保太師次司徒蓋亦次徇農之先後非序官也

【春秋公羊傳】諸公者何天子三公天子三公者何天子之相也天子之相何以三自陝而東者周公主之自陝而西者召公主之一相處乎內是言三公爲二伯也

【漢書百官公卿表】周官太師太傅太保是爲三公蓋參天子坐而議政無不總統故不以一職爲官名又立三少爲之副少師少傅少保是爲孤卿記曰三公無官言有其人然後充之舜之于堯伊尹于湯周公召公于周是也

【通典】武王時太公成王時周公畢公爲太師成王時畢公爲太傅召公爲太保

謹案蔡氏沈謂周公方條治事之官未及師保之職所謂未及者鄭重而未及言之也然考詩大明維師尚父毛傳云師太師史記齊世家書太誓註並稱文王立太公望爲太師初學記通典又謂周武王時太公爲太師成王時周公爲太傅召公爲太保儀禮逸禮太公爲太師周公爲太傅召公爲太保史記周本紀成王卽位周公畢公並爲太傅書顧命孔傳云太保畢毛稱公則三公矣冢宰第一召公領之司馬第四畢公領之司空第六毛公領之則是閱文武成康之世三公不特具其職且並未嘗闕其人周公作周禮時似不應不及三公也然而周官載公孤於六卿之前周禮則不之及者周官敍官之書故必首三公也周禮列六官之職三公無專職故不能不闕如也詩長發降于卿士實惟阿衡正義云三公兼卿士詩常武太師皇父正義云三公兼卿士之官竹書紀年殷王卽居毫其卿士伊尹然則三公類兼六卿六卿之職何一非三公之職耶六卿之職具而三公之職亦具矣大司徒敍官曰鄉老二鄉則公一人此三公之兼職也職無可名故公孤不列於六卿之前職有可名故二公並繫于司徒之屬此周公著作之體也

【禮記文王世子】凡三王教世子必以禮樂立太傅少傅以養之欲其知父子君臣之道也太傅審父子君臣之道以示之少傅奉世子以觀太傅之德行而審諭之太傅在前少傅在後入則有保出則有師

【漢書賈誼列傳】成王幼，召公爲太保，周公爲太傅，太公爲太師。保，保其身體；傅，傳之德義；師，道之教訓。此三公之職也。於是爲置三少，皆上大夫也。曰少師、少傅、少保，是與太子宴者也。

謹案文王世子所引記曰：虞夏商周有師保。有疑丞，設四輔。說者曰：天子必有四隣，作記者取以成世子之記。考尙書大傳曰：天子必有四隣，前曰疑，後曰丞，左曰輔，右曰弼。大戴禮曰：應而不窮者謂之道，輔善而相義者謂之充，絜廉而切直者謂之弼。博問強記者謂之丞。注道或謂之疑，充或謂之輔。是所謂四輔也。然賈誼所稱三公三少，卽今周官所載，非別爲東宮官屬。故後漢翟酺傳亦云：昔成王之政，周公在前，召公在後，畢公在左，史佚在右，四子挾而維之，目見正容，耳聞正言，一日即位，天下曠然，言其法度素定也。蓋王之師，保、疑、丞，卽世子之師，保、疑、丞，而非別設其官以教之也。若大戴所記，謂周公在前，太公在左，召公在右，史佚在後，而翟酺云云，語各不同，則傳聞各異耳。

【周禮地官】師氏中大夫一人，上士二人，掌以媿詔王，以三德教國子。鄭康成注國子，公卿大臣之子弟，保氏教之。而世子亦齒焉。註書序曰：周公爲師，召公爲保，相成王爲左右，聖賢兼此官也。掌養國子以道，乃教之六藝。謹案文王世子所載，以太傅少傅爲重，而師保則附言。賈誼所述，直以太保太傅太師屬之召公，周公太公，而以爲太保太傅太師爲三公，以三少爲上大夫，皆與此文迥異。蓋周禮至漢武帝時。

始出文王世子及賈誼疏皆在其前故傳聞異詞核實而論師氏似專掌教授如今之內廷教讀保氏似專

掌調護

如今之

諳達

太保、太傅、太師、少保、少傅、少師則統領其事

如今之總師傳

其官有尊卑其任有專司兼

攝而所職則大略相同互相出入故諸儒所記各舉其一端似相連而實相足

康成

保氏註引書

序周公爲師召公爲保相成王爲左右聖賢兼此官昔人謂太師、太保康成誤以師氏保氏當之

今考經典釋文君奭序保太保也

太師也

馬云

保氏

師氏

皆大夫官

則康成

保氏

注乃本馬融

君奭註也

師氏保氏

不得當太保

太師

故書牧誓

亞旅

師氏

次在司徒

司馬

司空之後

孔安國傳

云師氏大夫官顧命

師氏虎臣

次在太保

奭、芮伯

彤伯

畢公

衛侯

毛公之後

孔安國亦云

大夫官

是也中大夫之與三公

康成何至混而爲

一蓋康成原不以師氏爲太師

保氏爲太保

特謂周公

爲太師亦兼師氏之職

召公爲太保亦兼保氏之職

以相成王也

成王冲齡踐阼

尙不得顧國子

之教故三公復充師氏保氏之任

保氏註明云

兼此官

既云兼此官

則非卽此官明矣鄭註未嘗

合而爲一也

秦

【章如愚山堂考索】秦制闕三師之位

【通典】太子師保二傅殷周已有逮乎列國秦亦有之

漢

謹案秦之太子師傅見於史記商君列傳然秦使太子扶蘇北監蒙恬兵于上郡而以趙高傅公子胡亥教之決獄然則所謂太子師傅者其失職也久矣又孔叢子載陳勝以孔鮒爲太師蓋沿用古制偶立斯名非秦有是官故不著焉

【漢書百官公卿表】太傅高后元年初置金印紫綬後省八年復置後省元壽二年復置位在三公上太師太保皆元始元年置金印紫綬太師位在太傅上太保次太傅

謹案漢志太傅位在三公上考漢紀永光三年太傅韋元成爲御史大夫御史大夫位在太傅下以太傅爲御史大夫在當時並非左遷豈以太傅位雖尊而御史大夫職特重歟又漢紀武帝紀載元狩五年太子太傅嚴青翟爲丞相太傅止爲御史大夫而太子太傅乃爲丞相然則當時雖設師傅而遷除他官不甚拘拘于太少之秩次也

【漢紀平帝紀】大司徒孔光爲太傅左將軍甄豐爲少傅元始元年太傅孔光爲太師車騎將軍王舜爲太保大司空左將軍甄豐爲少傅

【宋書百官志】太師漢初不置平帝始復置太師官而孔光居焉東京又廢獻帝始復置後又廢太傅漢高后元年初用王陵太保平帝元始元年始用王舜後漢不置

謹案荀悅漢紀高祖紀有太保叔孫通固諫之文然則高祖時已有太保而漢書百官公卿表謂元始元年始置宋百官志謂平帝元始元年始用王莽與漢紀異

【漢書孔光列傳】爲帝太傅位四輔【馬宮列傳】四輔爲國維綱

謹案漢又置少傅甄豐爲少傅與太師太傅太保並爲四輔然百官表不載蓋王莽更制所立非定制也

【漢書百官公卿表】太子太傅少傅皆秩二千石

謹案漢太子二傅屬官有太子門大夫庶子先馬舍人今析入詹事府表內此不具載

【後漢書百官志】太傅上公一人掌以善導無常職世祖以卓茂爲太傅後省其後每帝初卽位輒置太傅錄尙書事

謹案續漢書稱每帝卽位輒置太傅一人錄尙書事今考袁宏後漢紀光武中元二年明帝卽位以鄧禹爲太傅明帝紀永平十八年章帝卽位以趙熹爲太傅章帝紀章和元年和帝卽位以鄧彪爲太傅和帝紀元興元年殤帝卽位張禹爲太傅安帝紀建光四年北鄉侯卽位以馮石爲太傅順帝紀永建元年以桓焉爲太傅靈帝紀建寧元年以陳蕃爲太傅又以胡廣爲太傅中平六年獻帝卽位以袁隗爲太傅其中惟質帝紀桓帝紀未見立太傅之文而靈帝紀則兩立太傅與

司馬彪所云微有不同考魯相史晨祠孔廟奏銘云時副言太傅太尉司徒大司農府治所部從事列太傅於太尉之上後漢書樊準傳永和初上書五府調省中都官吏注云太傅太尉司徒司空大將軍虞詡傳詡曰宜令四府九卿三公也註云太傅太尉司徒司空凡稱五府四府皆首列太傅於此見漢之太傅重于三公也

【通典】後漢惟有太傅一人而無師保

董卓自稱太師
非漢本制

謹案後漢書趙典傳曰公卿表典篤學博聞宜備國師說者以爲國師卽太師然則後漢之不置太師亦無其人則闕之意也

【後漢書百官志】太子太傅一人中二千石職掌輔導太子禮如師不領官屬太子少傅二千石亦以輔導爲職悉主太子官屬

【劉昭注】漢官曰
員吏十三人

謹案後漢紀光武紀建武二十八年上問羣臣誰可傅太子者皆曰執金吾陰識可也博士張佚正色曰今陛下立太子爲陰氏乎卽爲陰氏則陰侯可爲天下則固用天下之賢上曰善欲置傅者以輔太子今博士不難正朕況太子乎卽拜佚爲太子太傅而以桓榮爲少傅然則後漢命太傅始于卓茂命太子太傅始于張佚桓榮也又考後漢不置詹事以少傅領東宮官屬與西京異其官屬自太子率更以下別詳詹事府篇

【三國蜀志後主列傳】冊曰：今以禪爲皇太子，使使持節丞相亮授印綬，敬聽師傅行一物而三善，皆得焉，可不勉與。

謹案華陽國志獻帝建安二十四年先主以許靖爲太傅，章武元年先主卽帝位，許靖爲司徒。無代爲太傅者，蓋建安二十四年尙襲後漢之制，故設太傅至蜀改元或省其職。華陽國志謂蜀初闕三司之位，以待天下。晉志·三司卽太尉司徒司空·亦曰三公太傅在三司上。蜀且闕三司之職，則太傅不常設可知矣。又考華陽國志延熙元年立子璿爲皇太子，璿爲安定王，以典學從事巴西譙周爲太子家令，梓潼李譏爲僕射，皆名儒也。則後主時惟立宮官，未見設太子太傅、少傅。惟魏略曰：禪立爲太子，諸葛亮爲太子太傅，然考諸書及諸葛亮集，亮不爲太子太傅，故裴松之以爲此魚豢妄說。則冊文云敬聽師傅者當別有其人，或先主時亦曾設此官耳。

【宋書百官志】太師、魏世不置。

【晉書職官志】魏初惟置太傅，以鍾繇爲之後，又置太保，以鄭沖爲之。

【三國魏志三少帝本紀】昔周成建保傅之官，近漢顯宗崇寵鄧禹，所以優崇雋乂，必有尊也。其以太尉爲太傅。

謹案司馬懿以太尉進太傅且斬大司馬不與託以朝議避忌見晉書宣帝紀此由曹爽等陽以名號尊之而陰奪其權如漢初安國侯以右丞相遷帝太傅耳其後太傅置左右長史掾屬舍人各十人加以典兵時又篡奪陰謀自生亂制非太傅職司所本有亦非魏代之常經故不具錄焉

【通典】魏官九品第三品太子保傅

【王應麟玉海】漢魏故事太子於二傳執弟子禮通典太子於二傳皆爲書不曰少傳稱臣而太傅不臣文帝爲太子涼茂爲太傅何變爲少傅謂之二傳

謹案魏世無東宮文帝爲太子乃魏國太子也自後二傳之官遂闕不著

【三國吳志】諸葛恪列傳恪以大將軍領太子太傅中書令孫宏領少傅恪更拜太傅

謹案吳之太傅自諸葛恪外見於書紀者惟陸機著論云張昭爲師傅而已若東宮二傳多以他官兼領如闕澤拜太子太傅領中書如故薛綜爲太子少傅領選職薛瑩以選曹尚書領太子少傅之類是也惟張溫吾粲官太子太傅少傅程秉以交趾長史徵拜太子太傅當爲專任耳

晉

【晉書職官志】太宰太傅太保周之三公官也晉以景帝諱故採周官之名置太宰以代太師之任秩增三司與太傅太保皆爲上公論道經邦燮理陰陽無其人則闕以安平獻王孚居之自渡江以

後其名不替而居之者甚寡太宰太傅太保爲文官公冠進賢三梁黑介幘謹案晉以景帝之諱改太師之官名晉書職官志旣云改太保已自相違異通典則云改太師更屬參差然晉志明云採周官之名周官無太師之文則杜佑所說爲無據至太保雖見於周官而古文尚書晉初未出所謂周官當卽周禮周禮有冢宰無太保保氏又下大夫秩不相當則其爲太宰更無疑義況宋齊相沿並稱太宰尤證據昭然蓋作保者史之誤字惠帝紀稱齊王問爲太師者亦史之駁文或其初避諱作師字後乃定爲宰歟

【晉荀勗薦三公保傅表】三公保傅宜得其人若使楊珧參輔東宮必當仰稱聖意

【晉書職官志】太子太傅少傅泰始三年始各置一人尙未置詹事官事無大小皆由二傅並有功曹主簿五官太傅中二千石少傅二千石其訓導者太傅在前少傅在後皇太子先拜諸傅然後答之後以儲副體尊遂命諸公居之以本位重故或行或領時侍中任愷武帝所親敬復使領之蓋一時之制也咸寧元年以給事黃門侍郎楊珧爲詹事掌宮事二傅不復領官屬及楊珧爲衛將軍領少傅省詹事遂崇廣傳訓命太尉賈充領太保司空齊王攸領太傅所置吏屬復如舊二傅進賢兩梁冠黑介幘五時朝服佩水蒼玉其後太尉汝南王亮車騎將軍楊駿司空衛瓘石鑒皆領傅保猶不置詹事惠帝元康元年復置詹事二傅置丞一人秩千石主簿五官掾功曹史主記門下史錄事

戶曹、法曹、倉曹、貳曹、功曹、書佐門下、亭長門下、書佐省事、各一人。給赤印安車一乘。及黃陵建宮，乃置六傅三太三少。以景帝諱師，故改太師爲太保。晉原別有太保。此太保據前文。當爲太宰之誤。通省尙書事詹事文書關由六傅。自元康之後，諸傅或二或三。通典無此二字。疑此衍。或四或六。渡江之後，有太傅少傅，不立師保。

【通典】晉太子六傅各有丞一人。

【司馬光資治通鑑】永熙元年，立廣陵王遹爲皇太子。以中書監何劭爲太子太師，衛尉裴楷爲少師。吏部尚書王戎爲太傅。前太常張華爲少傅。衛將軍楊濟爲太保。尚書和嶠爲少保。胡三省注晉東宮六傅，惟此時具官。

謹案晉潘尼集有皇太子釋奠頌云：元康三年春閏月越二十四日，旣齊輿駕于太學。太傅在前，少傅在後，恂恂乎宏保訓之道。考通鑑永熙元年，東宮六傅已全具。而潘尼于元康三年作頌，仍止稱太傅少傅者，蓋晉泰始初，獨有太子太傅少傅，故當時訓導之職，二傅領之。皇太子釋奠，其前後特于六傅內舉其最重者耳。

宋齊梁陳

【宋書百官志】太宰一人。太傅一人。太保一人。是爲三公。無其人則闕。
謹案宋太宰，惟孝武帝時以江夏王義恭爲之。以後無人。

【宋書百官志】太子太傅一人。丞一人。少傅一人。丞一人。並有功曹、主簿、五官。太傅中二千石。少傅二千石。

【南齊書百官志】齊惟置太傅。

謹案齊亦有太宰、太保。然惟以爲贈。無生得之者。故志以爲惟置太傅。

【南齊書百官志】太子太傅少傅府置丞、功曹、五官、主簿。

【南齊書王儉列傳】儉領太子少傅。舊太子敬二傅同。至是朝議接少傅以賓友之禮。

【隋書百官志】梁有太宰、太傅、太保。○太子太傅一人。位視尚書令。少傅一人。位視左僕射。置丞、功曹、主簿、五官。

謹案職官要錄曰：三少舊視左僕射。冠服同三太也。

【隋書百官志】陳制官品秩。太宰、太傅、太保秩萬石品並第一。太子二傅中二千石品並第二。

【通典】太子六傅。自宋以下。惟有傅而無師保。

北魏

【通典】後魏以太師太傅太保。謂之三師上公也。

謹案溫子昇集有爲上黨王穆讓太宰表。考晉宋以後。江左皆名太師爲太宰。而北魏官氏志及

唐六典通典載魏官制仍稱太師不稱太宰子昇表稱太宰或當時熟習舊名相襲未改歟。

【唐六典】三師訓導之官也其名卽周之三公漢始尊師傅之位在三公上謂之上公無所統職後魏特稱三師以正其名然非道德崇重則不居其位無其人則闕之。

謹案魏淮陽王欣大統中爲太傅文帝曰王三爲太傅再爲太師自古人臣未聞此例可知三師之官在魏固甚重也。

【通典】後魏太子太師太傅太保謂之東宮三師少師少傅少保謂之東宮三少孝明在東宮宣武皇帝欲以崔光爲太子師傅光固辭帝令太子南面再拜宮臣皆從太子拜光北面立不敢答拜惟西向拜謝而出乃授光太子少傅。

北齊

【隋書百官志】後齊循後魏置太師太傅太保是爲三師擬古上公非勳德崇者不居○太子太師太傅太保是爲三師掌師範訓導輔翊皇太子少師少傅少保是爲三少各一人掌奉皇太子以觀三師之德出則三師在前三少在後。

謹案魏收傳文宣除收爲太子少傅仍兼太子詹事攷隋百官志北齊設太子三師三少又別設詹事各爲專職收以太子少傅兼詹事蓋一時之制也又收未嘗爲少傅而溫特進集有冬夜酬

魏少傅直史館詩。魏收傳收爲太子少傅直館。則太子少傅當時亦通稱少傅也。

後周

【隋書百官志】周太祖師周之建職置三公三孤以爲論道之官。

【周書蕭何蕭列傳】建德三年授太子少傅圓肅以任當師傅調護是職乃作少傅箴。

謹案成周立三公三孤王之師保卽世子之師保後周建官多倣成周故杜佑謂東宮三師三少後周不置然蕭何蕭之授太子少傅明著於史當是爲圓肅而特設者歟。

隋

【隋書百官志】三師不主事不置府僚蓋與天子坐而論道者也。

謹案師傅保北魏尊爲三師北齊因之後周依周禮又以爲三公隋初以爲三師煬帝廢之三師自漢魏以來皆開府置僚屬至隋因後周不置僚屬蓋又省三少不置也。

【隋書百官志】太子置太師太傅太保少師少傅少保。

唐

【舊唐書職官志】太師太傅太保各一員謂之三師並正一品訓導之官大抵無所統職無其人則

闕之【通典】天寶以前凡三師皆雖有其位而無其人

歷代職官表 卷六十七

【唐六典】三師或親王拜者，但存其名耳。

【資治通鑑】貞觀六年上以新令無三師官二月丙戌詔特置之。

謹案此本舊唐書太宗紀而新書百官志則云隋廢三師貞觀十一年復置疑誤。

【新唐書百官志】太子太師太傅太保各一人從一品掌輔導皇太子每見迎拜殿門三師合拜每門必讓三師坐太子乃坐與三師書前名惶恐後名惶恐再拜太子出則乘輿備鹵簿以從少師少傅少保各一人從二品掌曉三師德行以諭皇太子奉太子以觀三師之道德自太師以下惟其人不必備。

謹案唐貞觀以還太子師傅皆宰相兼領如魏徵長孫無忌房元齡蕭瑀高士廉岑文本于志寧等皆領師傅之職而房元齡蕭瑀高士廉等又下兼三少乃其後非疾廢眊曠不任事者卽休戎罷師不知書者處之而又疎棄斥逐之越月踰時不得召見甚至搢紳多恥爲之然則與是列者非所以示尊寵其與設官之初意大不侔矣。

五季

【資治通鑑】安審琦曰皇甫太師寂無音問【胡三省注】皇甫遇未必加官至太師也而安審琦以太師稱之蓋五季之世官賞無章當時相稱謂不復論其品秩就人臣極品而稱之。

【玉藻】唐制太師太傅太保爲三師。太尉司徒司空爲三公。並爲宰相親王使相加官。五代之制。司徒遷太保。太保遷太傅。太傅遷太尉。太尉遷太師。檢校者亦如之。

謹案洪邁云。唐節度使帶檢校。其初止左右散騎常侍。如季懇在唐鄧時所稱者也。後乃轉尚書。及僕射。司空。司徒。能至此者。蓋少。信昭以降。藩鎮盛強。武夫得志。繼建節鉞。其資級已高。於是復升太保。太傅。太尉。其上惟有太師。故將帥悉稱太尉。今觀胡氏所云。則五季時。并薄太尉而徑稱太師。故遼人多呼節度使爲太師。見金史。世紀相沿。固有所自矣。此本無預於官制。而史文有此稱號。恐滋考證者之疑。故存而訂正之焉。

【五代會要】長興四年四月。以祕書監劉蕡爲秦王傅。時言事者。請爲秦王置師傅。上顧問近臣。皆以秦王名勢隆盛。不敢置議。請自選擇。乃降是命。

謹案五季。凡師傅官見于新五代史各傳。如馮道爲太師。趙光逢爲太保。安重诲爲太子太師。李鑑爲太子太傅等。大約一準唐制。然僭濫相仍。槩不足述。姑著此以見一時之事云。

宋

【宋史職官志】宋承唐制。以太師、太傅、太保爲三師。爲宰相親王使相加官。凡除授。則自司徒遷太保。如之若宰臣官至僕射致仕者。以在位久近。或已任司空。司徒。則拜太尉、太傅等官。若太師。則爲異

數自趙普以開國元勳文彥博以累朝耆德方特拜焉政和二年九月詔以太師太傅太保古三公之官今爲三師古無此稱合依三代爲三公爲真相之任仍考周制立三孤少師少傅少保亦稱三少爲次相之任

【柯維騏宋史新編職官志】宣和七年詔復三公不領三省事治平著令親王不兼三師至徽宗朝皇子有真授者

【歐陽修歸田錄】皇子顥封東陽郡王除婺州節度使檢校太傅翰林賈學士鋗上言太傅天子師臣也子爲父師於體不順中書檢勘自唐以來親王無兼師傅官者蓋自國朝命官祇以差遣爲職事自三師三少以降皆是虛名故失於因循爾議者皆以賈言爲當也

【葉夢得避暑漫錄】本朝宰相以三師致仕者元豐以前惟三人趙韓王太師張鄧公太傅王魏公太保元豐文潞公始以太師繼之

【陸游老學庵筆記】史魏公自少保六轉而至太師文潞公自司空四轉蔡太師自司空三轉秦太師自少保兩轉而已

【王闢之澠水燕談錄】國朝享國百三十餘年人臣爲太師者惟趙忠獻文潞公二人者耳謹案宋三公自太祖以來未嘗備官獨宣和末三公至十八人蓋太師三人太傅四人太保十一

人三少不計也。又宋太師未嘗並除。紹聖初始有文彥博、吳王顥、宣和中蔡京、童貫、鄭紳。靖康初燕王侯、越王偲。紹興初秦檜、張俊。紹熙末史浩、嗣秀王伯圭。建隆至紹熙宰臣生拜太師者五人。趙普、文彥博、蔡京、秦檜、史浩。惟蔡秦二人以相臣特拜。其他皆還政加恩也。親王生拜太師者五人。趙楚王元佐、燕王元儼、吳王顥、燕王侯、趙王偲。皆以父兄行得之。嗣秀王伯圭以宗室特拜太師。蓋王于光宗爲親伯父。用優禮也。又政和之制除三公三孤者必須建節。加檢校太子少保、少師之類。然後除開府儀同三司。既除開府。然後除三孤三公。南渡後如張、韓、劉、岳諸武臣猶是如此。其後一得建節。即經除開府。至三孤三公。益非舊制矣。

【宋史職官志】東宮官太子太師、太傅、太保、太子少師、少傅、少保。

【馬端臨文獻通考】宋師傅不常設。仁宗升儲置三少各一人。李昉以參知政事兼掌賓客。及陞左相。遂進兼少傅。此宰相兼宮僚之始也。丁謂兼少師。馮拯兼少傅。是時實爲東宮官。餘多以前宰執爲致仕官。亦隨本官高下除授。太子少師、少傅、少保以待前執政。其少師亦不輕除。若因遷轉。則遞進一官。至太師。卽遷司空矣。天禧末。皇太子同聽政。乃以首相兼少師。自後神宗、欽宗、孝宗、光宗在東宮。皆不置。

【宋史新編職官志】其後錢聚祖兼少傅。史彌遠、賈似道兼少師。皆宰相兼宮僚也。

【石林燕語】國朝宰相執政未有兼東宮職事者。天禧末仁宗立爲皇太子。因命宰相丁謂馮拯兼少師少傅樞密使曹利用兼少保而任中正王曾爲參知政事錢惟演爲樞密副使皆兼賓客前此所無也。謂等因請師傅十日一赴資善賓客以下隻日互陪侍講從之。

謹案宋制以宰相兼宮僚至天禧末乃以首相兼太子少師故宮僚特重然宋初賓儀左右僕射東宮三師爲表首議云東宮三師爲表首討論故實全無證據其左右僕射援引制勅合爲表首者其事有六云云大旨謂上臺君父之官東宮臣子之官不得以東宮三師一品爲尊然則宮僚雖以宰相充而百官表次仍當在僕射後特史彌遠賈似道之流爲首輔而兼充少師則東宮三師望愈重矣。

遼

【遼史百官志】南面朝官三師府太師穆宗應厤三年見太師唐古特西番也原作唐骨德今改太傅太宗會同元年命馮道守太傅太保會同元年劉昫守太保少師耶律資忠傳見少師蕭巴格原作把哥今改正少

傅少保掌印耶律伊遜蒙古語原作乙辛今改重熙中掌太保印

謹案北魏始改三公爲三師宋政和中始復周官公孤之名遼則太尉司徒司空自爲三公而師傳稱三師蓋參取北魏以來之舊制也

【遼史百官志】南面東宮三師府太子太師、太宗大同元年見太子太師李崧太子太傅世宗天祿五年見太子太傅趙瑩太子太保大同元年見太子太保趙瑩太子少師聖宗太平十一年見太子少師蕭從順太子少傅耶律哈里滿洲語。有水寬甸處也。原作合里。今改正。重熙中爲太子少傅太子少保大同元年見太子少保馮玉。

金

【金史百官志】三師、太師、太傅、太保各一員皆正一品師範一人儀刑四海○東宮官宮師府太子太師太子太傅太子太保正二品太子少師太子少保正三品掌保護東宮導以德義海陵天德四年始定制宮師府三師三少詹事院詹事三寺十率府皆隸焉。

元

【元史百官志】三公、太師、太傅、太保各一員正一品銀印以道變陰陽經邦國有元襲其名號特示尊崇太祖十二年以國王置太師一員太宗卽位建三公其拜罷歲月皆不可考世祖之世其職常缺而僅置太保一員至成宗武宗而後三公並建無虛位而東宮常置三師三少蓋亦不恆有也。

謹案元視宋制故師傅亦稱三公而又有所謂大司徒司徒太尉之屬或置或不置則亦一時之制也。

【王圻續文獻通考】元成宗大德十一年六月時武宗已即位置宮師府立太子太師、少師、太傅、少傅、太保、少保等官。

明

【明史職官志】太師太傅太保爲三公。正一品。少師少傅少保爲三孤。從一品。掌佐天子理陰陽經邦宏化。其職至重。無定員。無專授。洪武三年。授李善長太師。徐達太傅。先是常遇春已贈太保。三孤無兼領者。建文永樂間罷公孤官。仁宗復設。永樂二十二年八月復置三公二少。宣德三年。勅太師英國公張輔。少師吏部尚書蹇義。少傅兵部尚書華蓋殿大學士楊士奇。少師兼太子少傅戶部尚書夏原吉。各輟所領侍左右。咨訪政事。公孤之官。幾於專授。逮義、原吉、士奇還領閣務。自此以後。公孤皆虛銜。爲勳戚文武大臣加官贈官。而文臣無生加三公者。嘉靖二年。加楊廷和太傅。辭不受。其後文臣得加三公。惟張居正。萬曆九年。加太傅。十年。加太師。

【續文獻通考】明初設三公府正一品府龍。而李善長徐達以丞相兼太師太傅。

謹案明文臣自張居正外多不敢居三公之位。故孫承宗傳云。加太傅力辭不受。先以冊立東宮。加太保及神宗實錄成。加官亦如之。並辭免。復以考滿詔加太傅。復辭不受。而勳臣得之者。前後凡十五人。內太師六人。太傅四人。太保五人。亦制之失中者也。

【明史職官志】太子太師、太子太傅、太子太保，並從一品掌以道德輔導太子，而謹護翼之。太子少師、太子少傅、太子少保，並正二品掌奉太子以觀三公之道德，而教諭焉。太子賓客，正三品掌侍太子贊相禮儀，規誨過失，皆東宮大臣無定員，無專授。洪武元年，太祖有事親征，慮太子監國，別設宮僚，或生嫌隙，乃以朝臣兼宮職。李善長兼太子少師，徐達兼太子少傅，常遇春兼太子少保，治書侍御史夏原吉、范顯祖兼太子賓客。三年，禮部尚書陶凱請選八專任東宮官，罷兼領，庶於輔導有所責成。帝諭以江充之事可爲明鑑，立法兼領非無謂也。由是東宮師傅止爲兼官，加官及贈官惟永樂間成祖幸北京，以姚廣孝專爲太子少師，留輔太子。自是以後，終明世皆爲虛銜，於太子輔導之職無與也。

謹案太子賓客，唐官也。始於漢四皓之侍從太子，至武帝爲太子立博望苑，使通賓客。晉惠帝令衛庭、王略、楊惲、裴憲、華恆備太子賓友，其時雖非官而謂之東宮賓客。唐顯慶元年，始以太子太傅兼侍中韓瑗、中書令來濟、禮部尚書許敬宗、左僕射兼太子少師于志寧，並爲皇太子賓客，遂爲官員定置四人，掌調護侍從、規諫。凡太子有賓客之事，則爲上齒。資位間重，其流不雜。宋置二人，或以宰執兼之。太子事以師傅禮，其後相仍不替。明洪武初，徵儒士王本、杜穀、趙民望、吳源爲四輔官，兼太子賓客位，尚書上蓋亦宮師之亞也。國朝不設斯官，故附著於此。

歷代職官表卷六十八

文武官階表

文職	九品	三代
		秦
萬石	中二千石	漢
萬石二千石	中二千石	後漢
第一品	第一品	三國
第一品	第一品	晉
十八班	十七班	梁宋陳齊
第一品從一品	第一品從一品	北魏
第一品從一品正一品	第一品從一品正一品	北齊
九命		後周
第一品從一品正一品		隋
開司同府		唐
開司同府		五季
開司同府		宋
開司同府		遼
崇特三儀進司同府		金
崇特三儀進司同府		元
崇特三儀進司同府		明
大榮大光大光銀大光金崇特三儀三儀開司同府		
夫祿夫祿夫祿青夫祿紫進司同府		
大榮大光大榮特大光特夫祿夫祿夫祿進夫祿進		

夫大奉通夫大政資

八命

千比石二
石二千

比石二
石二千

品第二

品第二

班十班十
五 六

品從品第二

從品第二

八命

從品第二

大光特
夫祿進

大光特
夫祿進

大光特
夫祿進

大崇
夫祿

大榮大光大榮銀大金
夫祿夫祿夫祿青夫祿紫

大中大通大正大資大資大資
夫奉夫奉夫奉夫善夫政夫德

大中大通大正大資大資大資
夫奉夫奉夫奉夫善夫政夫德

通議大夫中議大夫

七命

石比千
千石

石比千
千石

品第三

品第三

班十班十四
三四

品從品第三
三三

從品第三
正三

七命

從品第三
正三

大光銀大光金
夫祿青夫祿紫

大光銀大光金
夫祿青夫祿紫

大光銀大光金
夫祿青夫祿紫

大崇金
夫祿紫

大中大通大正大資大資大資
夫奉夫奉夫奉夫善夫政夫德

大亞夫中大大大嘉大通大正
夫中 大夫中夫議夫議夫議

大亞夫中大大大嘉大通大正
夫中 大夫中夫議夫議夫議

夫大議朝夫大憲中

六命

百比石八
石八百

百比石八
石八百

品第四

品第四

班十班十一
二

品從品第四
四

從品第四
正四

六命

從品第四
正四

夫中大太太大通大正
大夫中夫議夫議

夫中大太太大通大正
大夫中夫議夫議

夫中大太太大中大正
大夫中夫奉夫奉

大少夫中大太太嘉大通大正
夫中 大夫中夫議夫議夫議

大朝大中大中大中
夫請夫順夫憲夫議

大朝大朝大中大中大中
夫列夫請夫順夫憲夫議

夫 大 直 奉 夫 大 政 奉

	五命
	百比石六 石六百
	百比石六 石六百
	品第五
	品第五
	九十班
	品從品第五
	從品正五
	五命
	從品正五
	大朝大朝大朝大中 夫散夫請夫議夫散
	大朝大朝大朝大中 夫散夫請夫議夫散
	大朝大朝大朝大中 夫請夫散夫奉夫散
	大朝大朝大朝大中大中 夫列夫散夫請夫順夫議夫
	大奉大奉大奉大奉 夫訓夫直夫議夫政
	大奉大奉大奉大奉 夫訓夫直夫議夫政

郎 林 儒 郎 鄭 承

四
命

百比石四石五
石四 百 百

百比石四
石四 百

品第
六

品第
六

七八
班班

品從品第
六 六

從品第
正六

四
命

從品第
正六

郎通郎奉郎承郎朝
直 議 議 議

郎通郎奉郎承郎朝
直 直 議 議

郎通郎奉郎承郎朝
直 直 直 奉

大奉大奉大奉大奉
夫訓夫直夫謹夫政

郎承郎儒郎承郎承
務 林 直 德

郎承郎儒郎承郎承
務 林 直 德

郎仕徵郎林文

		三命
	百比石三百	
	百比石三百	
	品第七	
	品第七	
	五六班	
	品從品第七	
	從品正七	
	三命	
	從品正七	
	郎宣郎朝郎宣郎朝 議散德請	
	郎宣郎朝郎宣郎朝 議散德請	
	郎宣郎朝郎宣郎朝 奉散德請	
	郎儒郎承郎承郎承 林務直德	
	郎從郎微郎承郎文 事事林	
	郎將郎微郎承郎文 仕仕林	

郎佐職修郎職修

二命

石二百

石二百

品第八

品第八

三四班班

品從品第八

從品第八

二命

從品第八

郎承郎承郎徵郎給
務奉事事

郎承郎承郎徵郎給
務奉事事

郎承郎承郎給
務奉事事

郎從郎徵郎承郎文
仕仕事林

佐將佐登郎將郎登
郎仕郎仕仕

佐迪佐修郎迪郎修
郎功郎職功職

郎 佐 仕 登 郎 仕 登

	一命
	斗百食石
	斗百食石
	品第九
	品第九
	一二班
	品从品第九
	從品正九
	一命
	從品正九
	郎將郎文郎登郎儒 仕林仕林
	郎將郎文郎登郎儒 仕林仕林
	郎將郎文郎登郎儒 仕林仕林
	佐將佐登郎將郎登 郎仕郎仕 仕 仕
	佐將佐登郎將郎登 郎仕郎仕 仕 仕

軍將威振軍將威建武職

軍大驃
將騎

軍大驃
將騎

軍大驃
將騎

崇特三儀三儀開
進進司同司同府

大榮大光大榮特大光特
夫祿夫祿夫祿進大祿進

軍將功武軍將顯武

軍大鎮軍大輔
將軍 將國

軍大鎮軍大輔
將軍 將國

軍大鎮軍大輔
將軍 將國

軍大鎮
將國

大榮大光大榮銀大光金
夫祿夫祿夫祿青夫祿紫

軍上鎮軍上奉將衛驍將衛金將衛龍
將國 將國軍上騎軍上吾軍上虎

將鎮將定將奉將驍將金將龍
軍國軍國軍騎軍吾軍虎

武 翼 都 尉 都 尉 義 武

將歸軍大歸將雲將懷軍大懷軍大冠
軍德 將德軍麾軍化 將化 將軍

將歸軍大歸將雲將懷軍大懷軍大冠
軍德 將德軍麾軍化 將化 將軍

將歸將雲軍大懷軍大冠
軍化軍麾 將化 將軍

軍上鎮軍上輔軍上奉將衛驃將衛金將衛龍
將幽 將國 將國軍上騎軍上吾軍上虎

軍大懷軍大安軍大昭軍大昭軍大昭
將遠 將遠 將殺 將勇 將武

將懷將安將定將昭將昭將昭
軍遠軍遠軍遠軍勇軍毅軍武

尉 都 武 宣 尉 都 武 昭

將中歸將明將宣將中懷將壯將忠
郎德軍威軍威 郎化軍武軍武

將中歸將明將宣將中懷將壯將忠
郎德軍威軍威 郎化軍武軍武

將明將宣將壯將忠
軍威軍武軍武軍武

軍大懷軍大定軍大安軍大昭軍大昭軍大昭
將遠 將遠 將遠 將勇 將毅 將武

將宣將顯將信將明將宣將廣
軍武軍武軍威軍威軍威

將宣將顯將信將明將宣將廣
軍武軍武軍威軍威軍威

尉騎佐德武尉騎德武

郎歸將游將游郎懷將寧將定
將德軍擊軍騎將化軍遠軍遠

郎歸將游將游郎懷將寧將定
將德軍擊軍騎將化軍遠軍遠

將游將游將寧將定
軍騎軍擊軍遠軍遠

將宣將顯將信將明將宣將廣
軍武軍武軍威軍威軍威

將武將武將武將武
軍略軍毅軍德軍節

將武將武將武
軍略軍毅軍德軍節

尉騎佐略武尉騎略武

司歸副振校振司德副昭校昭
階化尉威尉威階化尉武尉武

司歸副振校振司德副昭校昭
階化尉威尉威階化尉武尉武

副振校振副昭校昭
尉威尉威尉武尉武

將武將武將武將武
軍略軍義軍德軍節

校忠校忠校昭校承
尉顯尉武尉信尉信

校忠校忠校昭校承
尉顯尉武尉信尉信

尉騎佐信武尉騎信武

中歸副翊校翊中德副致校致
候德尉麾尉麾候化尉果尉果

中歸副翊校翊中德副致校致
候德尉麾尉麾候化尉果尉果

副翊校翊副致校致
尉麾尉麾尉果尉果

校忠校忠校昭校承
尉顯尉武尉信尉信

校登校修校忠校忠
尉武尉武尉翊尉專

奮武舊尉校佐尉

司歸副禦校禦司懷副宣校宣
戈德尉侮尉侮戈化尉節尉節

司歸副禦校禦司懷副宣校宣
戈德尉侮尉侮戈化尉節尉節

副禦校禦副宣校宣
尉侮尉侮尉節尉節

校教校營校忠校忠
尉武尉武尉煙尉勇

副進副保校進校保
尉義尉義尉被尉義

修 武 校 尉 佐 武 校 尉

長執歸副陪校陪具執懷副仁校仁
上載德尉戎尉戎上載化尉勇尉勇

長執歸副陪校陪長執懷副仁校仁
上載德尉戎尉戎上載化尉勇尉勇

副陪校陪副仁校仁
尉戎尉戎尉勇尉勇

副進副保校進校保
尉義尉義尉義

文武官階

國朝官制

光祿大夫正一品榮祿大夫從一品資政大夫正二品通奉大夫從二品通議大夫正三品中議大夫從三品中憲大夫從三品
正四品・朝議大夫從四品奉政大夫正五品奉直大夫從五品承德郎正六品儒林郎從六品文林郎正七品徵仕郎從七品
修職郎正八品修職佐郎從八品登仕郎正九品登仕佐郎從八品

以上文官階若吏員出身者其從六品正七品俱爲宣德郎不及九品者爲未入流初制一品正從俱光祿大夫後從一品改榮祿大夫凡官階五品以上爲誥授六品以下爲敕授武官亦如之

建威將軍正一品振威將軍從一品武顯將軍正二品武功將軍從二品武義都尉正三品武翼都尉從三品昭武都尉
正四品・宣武都尉從四品武德騎尉正五品武德佐騎尉從五品武略騎尉正六品武略佐騎尉從六品武信騎尉正七品武信佐騎尉從七品奮武校尉正八品奮武佐校尉從八品修武校尉正九品修武佐校尉從九品

以上武官階初提督總兵官或加都督及都督同知僉事等銜其左右都督俱爲正一品後裁去加銜定提督爲從一品故武階至從一品而止又正一品從一品初俱爲榮祿大夫正二品爲驃騎將軍從二品爲驍騎將軍正三品爲昭勇將軍從三品爲懷遠將軍正四品爲明威將軍從四品爲宣

武將軍正五品爲武德將軍從五品爲武略將軍正六品爲昭信校尉從六品爲忠顯校尉正七品爲奮力校尉其旗員武職初有封承德郎文林郎者亦改照漢人之例其旗員之八九品武職仍依舊爲修職郎登仕郎後又改從一品爲振威大夫正二品爲武顯大夫從二品爲武功大夫正三品爲武義大夫從三品爲武翼大夫正四品爲昭武大夫從四品爲宣武大夫正五品爲武德郎從五品爲武略郎正六品爲武信郎從六品爲武信佐郎正七品爲奮武郎乾隆五十一年欽奉諭旨武職階級自應與文臣相埒今文職則係正一品起而武職則係從一品起顯然少予一階且文職自正一品至從九品共十八階武職自從一品至七品止十一階多寡顯有懸殊所有武職人員現在所缺正一品之階應照朕前次欽定領侍衛內大臣將軍爲正一品之例增入一階其自正七品以下較文職所少之五階亦應於內外武職衙門微末員弁內按其職守酌定正從照文職一體釐正以昭畫一再舊例武官正從一品俱封榮祿大夫正二品至從五品俱封將軍既未爲允當嗣更定新例則皆稱大夫因思將軍爲專閫主帥大夫係文臣之稱乃舊例則封將軍而今又更封大夫名義殊覺紊淆嗣後武職正一品至從二品俱應封爲將軍正三品至從九品應分別酌與都尉騎尉校尉等字樣遞爲差等以示區別著軍機大臣會同大學士吏兵二部詳晰定議具奏遵旨奏准武職自正一品領侍衛內大臣起至從八品止共十六階又自從一品提督起至正七品共十一階較

之文職自大學士起至從九品止共十八階似覺參差惟查文職之十八階乃合內外統計始有此數武職合內外統計止有十六階較之文職少正九從九二階應遵旨增設所增官階查八旗有藍翎長太僕寺委署固山達向無品級今應將藍翎長作爲正九品太僕寺固山達作爲從九品又綠營七品以下未經設有官階查有經制外委千總外委把總及額外外委亦向無品級今應將經制外委千總作爲正八品經制外委把總作爲正九品額外外委作爲從九品增入官階內外合計以足十八階之數與文職相埒至封典名號謹遵諭旨一二品俱封爲將軍三四品俱封爲都尉五六七品俱封爲騎尉八九品俱封爲校尉仰見我皇上綜理萬機闡宏六典念文武有兼資之職守斯官階有並重之章程令甲昭垂百代不易伏考官之有階古名散官武散官階唐列四十有五宋列三十有一金列四十有二元列三十有四明列三十然散冗失制如唐制同一從四品而分上下上曰宣威將軍下曰明威將軍又曰歸德中郎將推之五品以下皆然義例不明繁簡寡當金制自從二品以上仍襲文階名號正三品以下乃列將軍校尉副尉之名則文武之資相混淆也元列階至八品而止名列階至六品而止則較文資過爲簡略豈如我皇上設官分職陳殷置輔無不甄覈名實審契重輕武階之數既並埒乎文資而干城之寄其稱名亦與文資迥異定階爵節級之顯秩寓酬庸勵武之微權魏虎桓桓有不果敢奮職者歟

歷代建置

謹案周以九命正邦國之位而國語曰內官不過九御外官不過九品則九品之名其來舊矣。曹魏始定九品之制至梁分爲十八班而九品不廢北魏以九品分正從隋唐以來因之然品既分正從而正從之中又有上階下階之分與夫陞授加授之別或析而四或析而六名稱叢互遷改靡定而等列反因之滋晦散官之號肇見于隋隋開皇之制以居曹有職務者爲職事官其無職務者爲散官故有特進左右光祿大夫金紫光祿大夫銀青光祿大夫朝議大夫朝散大夫等號並爲散官然漢制光祿大夫太中大夫議郎中郎侍郎郎中皆無員多至數十人而特進奉朝請亦皆無職守優游祿秩卽如成都侯王商以特進領城門兵置幕府得舉吏亦正是加官攝官之例而非以爲正職則官之有散自漢已有之魏晉以後或置左右光祿金紫光祿太中中散等大夫並無員以優耆宿北魏又嘗置散官五等其品第五至第九百官有闕則取其中以補之蓋當時之仕于朝者不任以事則置之散官此正如後世宮觀設官之比而亦以儲才需用且得與諸執事官均其勞佚也逮唐因隋制乃雜採以爲階秩之目凡入仕者皆帶散位謂之本品又參取前代之散號將軍益以校尉以爲武散官其武騎屯騎等尉在隋比曹郎者則一歸之於勳官而散官始定爲虛號矣若夫勳號出於周齊交戰之際本以酬戰士其後漸及朝流階爵之外自爲

節級周置上開府儀同三司等十一號隋有上柱國以下總十一等以賞勳勞其後屢有增改唐永徽以後以國初勳號與散官頗多同名年月既久漸相錯亂咸亨五年三月更下詔申明各以類相比所謂武德初光祿大夫比今日上柱國者卒之名目猥多無裨政體相沿至明柱國以下文武各爲勳號而制又一變夫勳自爲勳本不與階爲附麗故唐時有功者或敍階或賜勳尙能隨事分授以寓一時之微權初無層積坐進之故自宋以降每遇郊賞若考滿者其酬勳若干級進階若干等卽並舉而予之故明人有言有階特進而勳止柱國者未有左柱國不帶特進者然則旣無相濟之用正無取此相混之名矣我國家稽古建官循名責實文官之階定爲九品品有正從凡十八等武階自從一品至從七品凡十二等嗣復欽遵諭旨定爲十八等文以大夫郎爲稱武以將軍都尉騎尉校尉爲稱盡革漢唐以來散號助號雜號之制洵爲法則精而密施于事則簡而易知者矣茲表文武官階先撮其概而以歷代沿革之故條具于後至前代文武階不分分之自唐始故武階表亦自唐始而隋以上不復贅列云

三代

【禮記王制】王者之制祿爵公侯伯子男凡五等諸侯之上大夫卿下大夫上士中士下士凡五等
【鄭康成注】爵秩次也上大夫曰卿【孔穎達疏】此大都總記三王制度

謹案公侯伯子男至中士下士爵也古無爵與階之分爵卽階也故諸侯之卿大夫士與諸侯並列爲爵秦漢以降爵爲酬庸之號而百職事之在列者各循資以進階始與爵分矣故錄此以著緣起而表則託始于周焉

【國語】外官不過九品

【周禮春官】大宗伯以九儀之命正邦國之位壹命受職。鄭康成注始見命爲正吏謂列國之士子子男爲大夫王之下士亦一命再命

受服。鄭司農云爲上士康成謂列國之大夫三命受位。鄭司農云受下大夫之位康成

再命于子子男爲卿王之中士亦再命謂此列國之卿王之上士亦三命四命受器。鄭司農云爲上大夫康成謂此公之孤也王之下大夫亦四命

五命賜則。鄭司農云出爲子男康成謂王之六命出封加一等五命六命賜官。鄭司農云子男入

命之七命賜國。鄭司農云一州之牧九命作伯。鄭司農云長諸侯爲上公有功德加命爲

方伯。典命掌諸侯之五儀諸臣之五等之命上公九命爲伯侯伯七命子男五命王之三公八命其

卿六命其大夫四命及其出封皆加一等公之孤四命其卿三命其大夫再命其士一命侯伯之卿大夫士亦如之子男之卿再命其大夫一命其士不命

謹案王之下士一命于周禮無正文後鄭以序官有上士中士下士之名又典命大夫四命之下空文宜有三命二命一命故云王之下士一命若先鄭以再命爲上士則王之中士下士以爲同一大夫士亦如之子男之卿再命其大夫一命其士不命

惟晉有太傅陽子與太師賈佗。蓋晉爲方伯立孤容與公同。然有孤二人僭也。王制云。小國之卿與下大夫一命。與此卿命異者。王制多據夏殷。故容有不同也。

秦

【漢書百官公卿表】爵一級曰公士。二上造。三簪襄。四不更。五大夫。六官大夫。七公大夫。八公乘。九五大夫。顏師古注五大夫。十左庶長。十一右庶長。十二左更。十三中更。十四右更。十五少上造。十六大上造。十七駟車庶長。十八大庶長。十九關內侯。二十徹侯。皆秦制。

謹案劉劭曰。春秋傳有庶長鮑商君爲政。備其法品爲十八級。合關內侯列侯凡二十等。其制因古義。古者天子寄軍政於六卿。啓戰于甘。乃召六卿大夫之在軍爲將者也。周之六卿亦以居軍。在國則以比長。閭胥族師黨正州長鄉大夫爲稱。其在軍則以卒伍司馬將軍爲號。所以異在國之名也。秦依古制。其在軍賜爵爲等級。其師人皆更卒也。有功賜爵。則在軍吏之例。自一爵以上至不更。四等皆士也。大夫以上至五大夫。五等比大夫也。九等依九命之義也。自左庶長以上至大庶長。九卿之義也。馬端臨曰。秦爵二十等。其十八等自大庶長以下。又似官也。考春秋時秦已有庶長。不更之號。至孝公以衛鞅爲左庶長。惠文王以樗里疾爲庶長。昭襄王以白起。王齧爲左庶長。又商鞅爲大良造。司馬貞曰。即大上造也。白起。犀首皆爲大良造。白起。樗里疾亦爲左右更。王陵。司馬

喜皆爲五大夫。然則似惟二等之侯爲特賜之號。而大庶長以下之十八級者。皆有位于朝循級遞進。而非專在軍吏之列者矣。故著此以存一代之制。而表則不具云。

漢

【章如愚山堂考索】漢世公有三等太師、太傅、太保爲上公。丞相、太尉、御史大夫爲三公。大將軍、驃騎、車騎將軍爲比公。卿有三等前、後、左右將軍爲上卿。太常至少府皆稱正卿。執金吾、太子太傅、將作少府、詹事大長秋、水衡都尉、京兆、馮翊、扶風爲陪卿。大夫有三等二千石爲上大夫。千石爲中大夫。六百石爲下大夫。大夫之下復有士。

謹案杜佑曰：漢以太常、光祿、助、衛尉、太僕、廷尉、大鴻臚、宗正、大司農、少府謂之九寺大卿。其所列本於後漢百官志。然漢書公卿表又載有執金吾、京兆尹、左馮翊、右扶風及水衡都尉。不在此九卿之數。考史載汲黯、朱買臣爲主爵都尉。後爲右扶風。列於九卿。鄭當時至九卿爲內史。後爲京兆尹。寧成爲中尉。後爲執金吾。徙內史亦稱九卿。石建傳稱左內史。後爲左馮翊。減宣爲九卿。張敞爲京兆尹上書言臣前備位列卿。王尊爲京兆尹。御史奏尊不宜備位。九卿毋將隆爲執金吾。詔稱隆位九卿。惟水衡都尉則異途傳云。上以遂年老不任公卿。拜爲水衡都尉。而于定國傳亦云遷水衡都尉。超爲廷尉。似水衡都尉在列卿之中。又特爲冗散者。然公卿表亦列之。則名曰九卿。實則十四卿也。又

古者天子諸侯皆名執政大臣曰正卿見公堅初學記其下爲大夫士自周以來始有三公九卿之號漢世九卿無卿字而九卿大率多秦漢官也故存其概於此其後亦不具云

【杜佑通典】漢官秩差次中二千石二千石比二千石比千石八百石比八百石六百石比六百石五百石四百石自四百石至二百石爲長吏比四百石三百石比三百石二百石百石自百石以下有斗食佐史之秩爲少吏

謹案漢官之制定名以祿百石而上差等十六此爲後世品秩所自始若丞相太尉司徒司空不在此目蓋漢制三公號稱萬石其秩崇矣又王莽改中二千石曰卿二千石爲上大夫比二千石爲中大夫千石爲下大夫六百石爲元士五百石爲命士四百石爲中士三百石爲下士百石秩曰庶士事無足錄然與古相準故附著於此

【通典】後漢官秩差次中二千石二千石比二千石千石比千石六百石比六百石四百石比四百石三百石比三百石二百石比二百石百石斗食佐史

謹案後漢官秩之次大率多仍舊制惟無八百石比八百石五百石而增比二百石耳

三國

【通典】魏官置九品第一品第二品第三品第四品第五品第六品第七品第八品第九品

謹案魏官品之制卽周之所謂九命漢之所謂祿石皆所以辨高卑之等級其制始定于魏後世雖互有沿革而卒莫能易而或者謂魏延康元年二月尙書陳羣以天朝選用不盡人材始立九品官人之法是時魏未受禪蓋亦漢法也擇以州郡之賢有識鑒者區別人物第其高下而通典所載魏官自

黃鉞大將軍至諸州郡防門明列品第或當時循陳羣之法謂某品人則可登某品所謂品者逆設以待其人益遠益訛遂爲官秩之定論此其說非也夫通典所謂九品者官品也以別官之崇卑陳羣所謂九品者人品也以定人之優劣二者皆出于曹魏之初皆名以九品然人品自爲人品官品自爲官品卽劉毅衛瓘論中正九品之敝所云上品無寒門下品無勢族及云計資定品使天下觀望惟以居位爲貴人者蓋如後世權貴之人挾勢博科第干薦舉之類而非謂中正者逆設此官之品目以待所品之人也

【三國吳志三嗣主列傳】永安二年三月備九卿官

謹案三國鼎峙之際連祚日淺稽古之事宜多未備觀吳至此始備九卿而蜀又不設史官則其官品之闕略可知也

謹案晉書李重列傳，重上書曰：建樹官司，功在簡久，階級少則人心定，久其事則政化成。而能否著，然晉官亦爲九品。其祿秩差次，大約亦如漢制。而李重以爲階級宜少者，疑當時人多倖進遷轉紛繁，故請爲之裁制。非晉于九品之外，又有所增設也。

宋齊梁陳

【隋書百官志】職官之制，魏晉繼及，大抵略同。爰及宋齊，亦無改作。梁武受命之初，官班多同宋齊之舊。天監初，命尚書刪定郎濟陽蔡法度，定令爲九品秩定。帝于品下注，一品秩爲萬石，第二、第三爲中二千石，第四、第五爲二千石。至七年革選，徐勉爲吏部尚書，定爲十八班。以班多者爲貴，同班者則以居下者爲劣。又詔以將軍之名高卑舛雜，命更加釐定。於是有司奏置一百二十五號將軍，凡十品二十四班，亦以班多爲貴。其制品十，取其盈數，班二十四，以法氣序制簿，悉以大號居後。以爲選法，自小遷大也。其不登二品，應須軍號者，凡十四號，別爲八班，以象八風所施，甚輕。又有一百九號將軍，亦爲十品二十四班，五施于外國選序，依此承用，轉則進一班，黜則退一班，班卽階也。班以優劣爲前後。

謹案梁定班法，與品互用。其十八班官有清濁，自十二班以上，並詔授表啓，不稱姓。從十一班至九班，禮數復爲一等。又流外有七班，寒微士人爲之。從此班者，方得進登第一班。夫梁承齊後者，

也。品秩之定久矣。而蔡法度之所定。其所以寓禮數者。不附於品。而列之以班。意自齊而上。未有班次。則禮數亦附于品。梁既立班。以爲禮文之節。卽品非所專用。而易以爲班。若謂班專爲選事而設。則丞相、太宰、太傅等官爲第十八班。初不關選法。或謂品制不廢。班與品疑相須而成。然將軍之號二百四十八爲班。凡五十六班。制之多乃如此。亦又何假于品也。要之梁制品尙寡。故自九而一。乃極于丞相班。尙繁。故自一而十八。亦極于丞相班。多者品貴。品少者班尊。二者相爲用。而貴賤等差。於此參見而互明耳。

【隋書百官志】陳遵梁制爲十八班。而官有清濁。又有戎號。擬官自一品至於九品。凡二百三十七。諸將起自第六品以下。板則無秩。其雖除不領兵。領兵不滿百人。并除此官而爲州郡縣者。皆依本條減秩石。二千石減爲千石。千石降爲六百石。自四百石降而無秩。其州郡縣各自以本秩論。凡板將軍皆降除一品。諸依此減降品秩。

謹案陳制相國、丞相等官品爲第一。其秩萬石。中二千石有差。自此以下。名列爲九。其秩自中二千石至二百石有差。亦爲十八班。其官惟論清濁。從濁得官。微清則勝于轉。大抵並遵梁制也。

北魏

【魏書官氏志】皇始元年。始建曹省。備置百官。天興元年十一月。詔吏部郎鄧淵典官制。立爵品。太和中。高祖詔羣寮議定百官著于令。二十三年。高祖復次職令。世宗初頒行之。以爲永制。前世職次。

皆無從品魏氏始置之亦一代之別制也

謹案魏氏之初法制簡略設官分職罕依故實既列九品又有從品而每品又有上中下三等之差蓋一品之間析而爲六此太和十八年之制也至二十三年高祖復次職令三師二大乃不入品其四品以下每品及從品又各分爲上下階則一品之中猶析而四誠一代之別制矣

北齊

【隋書百官志】後齊制官多循後魏

謹案齊遵魏制九品各有從其三師三大亦入第一品則猶是魏太和之初制也又有流內比視官十三等自視從第三品起至視從第九品止惟此與魏異耳

後周

【隋書百官志】周太祖命尙書盧辨遠師周之建職其所制班序三公九命三孤八命六卿七命上大夫六命中大夫五命下大夫四命上士三命中士再命下士一命諸公九命諸侯八命諸伯七命諸子六命諸男五命諸公之孤卿四命侯之孤卿公之大夫三命子男之孤卿侯伯之大夫公之上士再命子男之大夫公之中士侯伯之上士一命公之下士侯伯之中士下士子男之士不命

謹案北周謂王朝之官爲內命諸侯及州縣官爲外命而九命之中又分爲正命亦猶魏之上下

隋

階也。通典所載後周官品太師、太傅、太保、王爵、國公俱列正九命。而周書盧辨傳無之。明爲史之闕文矣。辨所述六官太祖以魏恭帝三年始命行之厥後世有損益宣帝嗣位事不師古官員班品隨意變革朝出夕改蓋亦莫能詳錄也。

【山堂考索】隋開皇中有正從九品上下階。

【隋書百官志】又有流內視品十四等。又有流外勳品二品、三品、四品、五品、六品、七品、八品、九品之差。又視流外亦有視勳品視二品、視三品、視四品、視五品、視六品、視七品、視八品、視九品之差。極于胥吏皆無上下階。煬帝卽位多所改革。三年定令品自第一至於第九。惟置正從而除上下階。其朝之班序以品之高卑爲列。自一品至九品置光祿等九大夫建節等八尉以爲散職。

謹案官之有品自曹魏始。品之有從乃自元魏始。顧元魏列品第曰第幾品從幾品而未目爲正從。高齊始別之。至隋而曰正曰從截然不可紊矣。隋九品各有正從。自四品以下每品分爲上下。凡十三階。自太師至諸樂師謂之流內。流內自此始焉。又置視正二品至九品品各有從自行臺尚書令至公國侍郎謂之視流內。視流內自此始焉。又煬帝自三年定令之後驟有制置制置未久隨復改易其餘亦不可備知云。

唐

【新唐書百官志】吏部郎中掌文官階品。凡文官九品有正有從。自正四品以下有上下爲三十等。凡文散階二十九。從一品曰開府儀同三司。正二品曰特進。從二品曰光祿大夫。正三品曰金紫光祿大夫。從三品曰銀青光祿大夫。正四品上曰正議大夫。正四品下曰通議大夫。從四品上曰太中大夫。從四品下曰中大夫。正五品上曰中散大夫。正五品下曰朝議大夫。從五品上曰朝請大夫。從五品下曰朝散大夫。正六品上曰朝議郎。正六品下曰承議郎。從六品上曰奉議郎。從六品下曰通直郎。正七品上曰朝請郎。正七品下曰宣德郎。從七品上曰朝散郎。從七品下曰宣議郎。正八品上曰給事郎。正八品下曰徵仕郎。從八品上曰承奉郎。從八品下曰承務郎。正九品上曰儒林郎。正九品下曰登仕郎。從九品上曰文林郎。從九品下曰將仕郎。

謹案後漢延平元年鄧篤爲車騎將軍儀同三司儀同之名自此始也。魏黃初三年黃權爲車騎將軍開府儀同三司開府之名自此始也。其品第一。梁班第十七陳秩萬石北齊從一品後周置上開府儀同三司開府儀同三司上儀同三司儀同三司等十一號以酬勳勞隋因之唐惟置開府儀同三司爲散官品特進兩漢及魏晉皆以爲加官從本官服品第二位次諸公下在開府驃騎上梁班第十七北齊爲第二品隋爲正二品散官而唐因之秦郎中令屬官有中大夫漢太初

元年更名光祿大夫秩比二千石晉太始初分爲左右皆銀章青綬若加金章紫綬者爲金紫光祿大夫自晉以後皆爲兼官光祿大夫梁班第十三後魏初從第一品後改第二品後周正八品隋爲正一品散官後改光祿大夫爲從一品左光祿大夫正二品右光祿大夫從二品唐初猶有左右貞觀後惟有光祿大夫金紫光祿大夫梁第十四班陳爲中二千石北齊從二品隋因爲散官後改爲正三品銀青光祿大夫北齊三品隋爲正三品散官後改從三品然金紫銀青合居光祿之上今反居下則北魏定令之誤也正議大夫通議大夫俱隋置太中大夫本秦官秩比千石梁班第十一北齊從第三品中大夫北齊爲第四品中散大夫後漢置秩六百石或曰王莽所置梁班第十朝議大夫隋置爲從三品散官朝請大夫隋置爲正五品散官朝散大夫隋置爲正四品散官後改從五品又宋齊梁陳北魏北齊諸九品散官皆以將軍爲品秩謂之加戎號隋開皇六年始置六品以下散官並以郎爲正階尉爲從階正六品上爲朝議郎下爲武騎尉從六品上爲通議郎下爲屯騎尉正七品上爲朝議郎下爲驍騎尉從七品上爲朝散郎下爲游騎尉正八品上爲給事郎下爲飛騎尉從八品上爲承奉郎下爲旅騎尉正九品上爲儒林郎下爲雲騎尉從九品上爲文林郎下爲羽騎尉煬帝又置八郎八尉六品置建節尉奮武尉七品置宣惠尉綏德尉八品置懷仁尉守義尉九品置奉誠尉立信尉並爲正從又六品置承議郎通直郎七品置

宣德郎、朝散郎、八品置登仕郎、將仕郎、九品置常從郎、奉信郎、亦爲正從。唐以郎爲文職、尉爲武職。遂採開皇大業之制，以爲六品以下散官焉。

【唐六典】凡敍階之法，有以封爵，有以親戚，有以勳庸，有以資齒，有以秀孝，有以勞考，有以陰免而復敍者，皆循法以申之。凡應入三品五品者，皆特別制而進之，不然則否。凡文武百僚之班，敍官同者先爵，爵同者先齒。

謹案唐制流內九品三十階之外，初又有視流內，起正五品至從九品，又有流外，自助品以至九品，流外自此始。又有視流外，亦自助品以至九品。開元初，乃稍能之。蓋亦患其繁冗，而思所以釐正之矣。

【舊唐書職官志】兵部郎中掌天下武官以階品。凡敍階有二十九，凡敍階之法，亦如文散官之制。

【新唐書百官志】武散階四十有五。從一品曰驃騎大將軍，正二品曰輔國大將軍，從二品曰鎮軍大將軍，正三品上曰冠軍大將軍，懷化大將軍，正三品下曰懷化將軍，從三品上曰雲麾將軍，歸德大將軍，從三品下曰歸德將軍，正四品上曰忠武將軍，正四品下曰壯武將軍，懷化中郎將，從四品上曰宣威將軍，從四品下曰明威將軍，歸德中郎將，正五品上曰定遠將軍，正五品下曰寧遠將軍，懷化郎將，從五品上曰游騎將軍，從五品下曰游擊將軍，歸德郎將，正六品上曰昭武校尉，正六品

下曰昭武副尉、懷化司階從六品上曰振威校尉從六品下曰振威副尉、歸德司階正七品上曰致果校尉正七品下曰致果副尉、懷化中候從七品上曰翊塵校尉從七品下曰翊塵副尉、歸德中候正八品上曰宣節校尉正八品下曰宣節副尉、懷化司戈從八品上曰禦侮校尉從八品下曰禦侮副尉歸德司戈正九品上曰仁勇校尉正九品下曰仁勇副尉、懷化執戟長上從九品上曰陪戎校尉從九品下曰陪戎副尉、歸德執戟長上

謹案漢元狩二年霍去病爲驃騎將軍秩等大將軍梁班第二十四後周九命隋正四品唐爲武散官輔國將軍後漢置晉王濬拜輔國大將軍後周七命隋從六品鎮軍冠軍俱魏置後周鎮軍八命冠軍七命隋並正六品雲麾將軍梁班第十八忠武將軍梁班第十九壯武將軍梁班第十六明威將軍定遠將軍梁班並第十二寧遠將軍晉置游騎將軍魏置游擊將軍漢置宣威將軍唐置其懷化歸德等號並唐置以授蕃官若校尉之號漢始有之隋置武騎等十六尉以爲六品以下從階唐乃採前代諸校尉舊名置自正六品以下各有副尉爲武散官云

五季

【范質五代通錄】馮道自敍云階自將仕郎至開府儀同三司
謹案五代之典章紊矣然官階大約一如唐制故著此以存其概

【宋史職官志】宋官人受授之別。有官、有職、有差遣。官以寓錄秩敍位著職。以待文學之選。而別爲差遣。以治內外之事。其次又有階。有助、有爵。

【柯維騏宋史新編職官志】官無常員。亦無專職。悉分領中外差遣。官惟寄祿而已。神宗論輔臣倣唐六典。酌古今而肇新之。元豐三年。命官詳定。於是寄祿以階。而百司各還所職。其後徽宗增文武階。高宗釐郎大夫之序。實詳且備。遂爲永制云。

【宋史職官志】文散官二十九。開府儀同三司。從一特進。正二光祿大夫。從二金紫光祿大夫。正三銀青光祿大夫。從三正奉大夫。正四上中奉大夫。正四太中大夫。從四上中大夫。從四中散大夫。正五上朝奉大夫。正五朝散大夫。從五上朝請大夫。從五朝奉郎。正六上承直郎。正六奉直郎。從六上通直郎。從六朝請郎。正七上宣德郎。從七上宣奉郎。從七給事郎。正八上承事郎。正八將仕郎。從八上承務郎。從八儒林郎。階登仕郎。正九上文林郎。階將仕郎。從九

謹案宋初沿唐制設文階。而等級小異。以開府儀同三司爲宰臣使相階。以光祿大夫、金紫光祿大夫、正奉大夫爲執政階。朝散大夫、朝請大夫、朝奉郎、宣德郎、承事郎、承奉郎、儒林郎、文林郎、登仕郎、將仕郎。以上爲京朝官。至侍從階凡十有五。元豐中李清臣論國朝踵襲近代之弊。牙校有

銀青光祿大夫階蓋唐自肅代以後官賞冗濫久而益失下至州郡胥吏軍班校伍一命便帶銀青光祿大夫階殆與無官者等後唐長興二年詔不得薦銀青階爲州縣官賤之至矣宋改官制乃稍釐正之惟除授蕃官猶用此制如三班借差三班差使或悉帶銀青祭酒而等第加勛焉

【邵博聞見後錄】元豐三年初行官制以階易官寄祿新格中書令侍中同平章事爲開府儀同三司左右僕射爲特進吏部尚書爲金紫光祿大夫五曹尚書爲銀青光祿大夫左右丞爲光祿大夫六曹侍郎爲正議大夫給事中爲通議大夫左右諫議爲太中大夫祕書監爲中大夫光祿卿至少府監爲中散大夫太常至司農少卿爲朝議大夫六曹郎中爲朝請朝奉朝散大夫凡三等員外郎爲朝請朝奉朝散郎凡三等起居舍人爲朝散郎司諫爲朝奉郎正言大常國子博士爲承議郎太常祕書殿中丞爲奉議郎太子中允贊善大夫中舍洗馬爲通直郎著作佐郎大理寺丞爲宣德郎光祿衛尉寺將作監丞爲宣議郎大理評事爲承事郎太常寺太祝奉禮郎爲承奉郎祕書省校書郎正字將作監主簿爲承務郎

謹案宋初各曹遷轉皆自有流品元豐新制以階易官乃雜取唐制及祖宗舊制而損益之定爲二十四班以之寄祿而品秩之別遂無他名此階與官之所由相混也然品秩之別亦於斯可見故具著之又元豐初三光祿正議中散朝議六階各分左右詞人爲左餘人爲右旣而寄祿官並

分左右。紹聖三年，詔寄祿轉正議大夫、光祿大夫、銀青光祿大夫，分左右。朝請大夫、中散大夫，亦仍舊存左右，餘並罷之。崇寧初，因刑部尚書鄧洵武請，又換選人七階。三京府判官等官爲承直郎，節度掌書記等官爲儒林郎，防團判官等官爲文林郎，防團推官等官爲從事郎，縣令等官爲通仕郎。試階知縣等官爲登仕郎。三京軍巡判官等官爲將仕郎。大觀初，又增宣奉正奉中奉，奉直、四階政和末，又改通仕郎爲從政郎。登仕郎爲修職郎，將仕郎爲迪功郎。而寄祿之制始備。紹興舉行元祐之法，亦分左右。至淳熙始並去左右字而自開府至迪功，凡三十七階如故焉。

【宋史職官志】武散官三十一。驃騎大將軍從一輔國大將軍正二鎮國大將軍從二冠軍大將軍從三懷化大將軍正三雲麾將軍從三歸化將軍從三忠武將軍正四壯武將軍正四宣武將軍從四明威將軍從四定遠將軍正五寧遠將軍正五游騎將軍從五游擊將軍從五昭武校尉正六武副尉正六振威校尉從六振威副尉從六致果校尉正七致果副尉正七翊麾校尉從七翊麾副尉從七宣節校尉正八禦武校尉從八禦武副尉從八仁勇校尉正九仁勇副尉正九陪戎校尉從九陪戎副尉從九

謹案：宋武選舊制，自內客省使至閣門使，使各有副，爲橫班。自皇城使至供備庫使，爲諸司正使。自皇城副使至供備庫副使，爲諸司副使。內殿承制、內殿崇班，爲大使臣。自東頭供奉官至三班。

借職爲小使臣。元豐中釐定官制廢文散階而武臣將軍校尉之號尙依其舊則亦沿唐制也。

【宋史職官志】武選新官太尉通侍大夫正侍大夫宣正大夫履正大夫協忠大夫中侍大夫中亮大夫中衛大夫翊衛大夫親衛大夫拱衛大夫左武大夫右武大夫正侍郎宣正郎履正郎協忠郎中侍郎中亮郎翊衛郎拱衛郎左武郎右武郎武功大夫武顯大夫武節大夫武略大夫武經大夫武義大夫武翼大夫武功郎武德郎武顯郎武節郎武略郎武經郎武義郎武翼郎敦武郎山堂考索作訓武郎蓋避光宗嫌名也修武郎從義郎秉義郎忠訓郎忠翊郎成忠郎保義郎承節郎承訓郎下班祇應

謹案宋政和二年武選亦易新名正使爲大夫副使爲郎橫班十二階正副亦然是以有郎居大夫之上者其後以新名未足又增置宣正履正協忠翊衛親衛大夫郎凡十階通爲橫班太尉本秦主兵官特以爲武官之首自太尉至下班祇應凡五十二階正侍郎以下郎居大夫上議者以爲非序紹興中乃釐正之以郎居下又以下班祇應之上增進武校尉進義校尉其下增進武副尉進義副尉守闕進義副尉進勇副尉守闕進勇副尉初政和中欲以將軍校尉諸階易橫班以下諸使至三班借職而西班用事者嫌其塗轍太殊亦請改爲郎大夫蓋周制師帥皆中大夫旅帥皆下大夫卒長以下皆士漢之諸郎有五官左右中郎將而羽林虎賁俱以郎爲號則宋武階

之爲郎、大夫，固有因于古也。又內侍階唐制與文臣同，宋別置階官，欲不相溷。政和二年，改爲十二階。曰供奉官，曰左侍禁，曰右侍禁，曰左班殿直，曰右班殿直，曰黃門。曰祇候，侍禁，曰祇候殿直。曰祇候黃門。曰內品。曰祇候內品。曰貼祇候內品。又醫官階十有四，亦政和二年更定。自和安大夫以下爲大夫者六，其郎亦如大夫之名數。又有翰林良醫等凡十號，皆繁雜不可備書，故附著於此。

遼

【遼史太祖本紀】神冊六年夏五月詔正班爵。

【太宗本紀】大同元年春正月，降重貴爲崇祿大夫、檢校太尉。

謹案崇祿大夫，五代史晉家人傳作光祿大夫，蓋遼以太宗名改之，則亦倣自唐以來之舊制也。

【遼史韓延徽列傳】子德樞，守左羽林大將軍，遷特進太尉。【高模翰列傳】加特進檢校太師。天祿二年，加開府儀同三司。【額布特列傳】蒙古語·冬也·原作烏不呂加金紫崇祿大夫、檢校太尉。【耶律諾觀列傳】蒙古語·綠色也·原作奴瓜加金紫崇祿大夫。【楊浩列傳】加特進檢校太師。【耶列棠古列傳】從原文不改加鎮國上將軍。

謹案遼之官品，于史無考，故摭此以存其概。然崇祿等號，疑亦祇是加官，而非以爲品秩之差也。

金

【金史百官志】文官九品階凡四十有二從一品上曰開府儀同三司中曰儀同三司中次曰特進下曰崇進正二品上曰金紫光祿大夫下曰銀青榮祿大夫從二品上曰光祿大夫下曰榮祿大夫正三品上曰資德大夫中曰資政大夫下曰資善大夫從三品上曰正奉大夫中曰通奉大夫下曰中奉大夫正四品上曰正議大夫中曰通議大夫下曰嘉議大夫從四品上曰太中大夫中曰中大夫下曰少中大夫正五品上曰中議大夫中曰中憲大夫下曰中順大夫從五品上曰朝請大夫中曰朝散大夫下曰朝列大夫舊曰奉德大夫
天德二年更正六品上曰奉政大夫下曰奉議大夫從六品上曰奉直大夫下曰奉訓大夫正七品上曰承德郎下曰承直郎從七品上曰承務郎下曰儒林郎正八品上曰文林郎下曰承事郎從八品上曰徵事郎下曰從仕郎正九品上曰登仕郎下曰將仕郎從九品上曰登仕佐郎下曰將仕佐郎此二階大定十
四年創增

謹案金雜採唐宋舊制而增置崇進榮祿大夫資德大夫資政大夫資善大夫嘉議大夫少中大夫中議大夫中憲大夫中順大夫朝列大夫奉政大夫奉議大夫奉直大夫奉訓大夫等號其榮祿資政中憲奉政奉直之號則相沿至今特品秩各異耳

【金史百官志】武散官凡仕至從二品以上至從一品者皆用文資自正三品以下階與文資異本元

作同・今據續
文獻通考改

正三品上曰龍虎衛上將軍中曰金吾衛上將軍下曰驃騎衛上將軍從三品上曰奉

國上將軍中曰輔國上將軍下曰鎮國上將軍正四品上曰昭武大將軍中曰昭毅大將軍下曰昭勇大將軍從四品上曰安遠大將軍中曰定遠大將軍下曰懷遠大將軍正五品上曰廣威將軍中曰宣威將軍下曰明威將軍從五品上曰信武將軍中曰顯武將軍下曰宣武將軍正六品上曰武節將軍下曰武德將軍從六品上曰武義將軍下曰武略將軍正七品上曰承信校尉下曰昭信校尉從七品上曰忠武校尉下曰忠顯校尉正八品上曰忠勇校尉下曰忠翊校尉從八品上曰修武校尉下曰敦武校尉正九品上曰保義校尉下曰進義校尉從九品上曰保義副尉下曰進義副尉

此二階・大定十
四年・創增・

謹案金武階以將軍、校尉爲號蓋沿唐及宋初舊制竊意遼制亦大略如此而金因之又金司天
翰林官舊制自從七品而下止五階至天眷定制司天自從四品而下立爲十五階自欽象大夫
以下爲大夫者十有一探頤郎以下爲郎者十有四太醫官自從六品而下止七階天眷制自從
四品而下立爲十五階自保宜大夫以下爲大夫者十有一保愈郎以下爲郎者十有四內侍之
制自從四品以下十五階自中散大夫以下爲大夫者十有一通禁郎以下爲郎者十有四教坊
舊用武散官大定二十九年以爲不稱乃創定二十五階明昌三年自從四品以下更立爲十五

元

階自雲韶大夫以下爲大夫者十有一肅和郎以下爲郎者十有四亦附著于此。

【元史百官志】文散官四十二開府儀同三司、儀同三司、特進、崇進、金紫光祿大夫、銀青光祿大夫、
以上俱正一品。光祿大夫、榮祿大夫、以上從一品。資德大夫、資政大夫、資善大夫、以上正二品。正奉大夫、通奉大夫、中
奉大夫、以上從二品。正議大夫、通議大夫、嘉議大夫、以上正三品。太中大夫、中大夫、亞中大夫、以上從三品。舊
亞中 中議大夫、中憲大夫、中順大夫、以上正四品。朝請大夫、朝散大夫、朝列大夫、以上從四品。奉政大夫、奉議
大夫、以上正五品。奉直大夫、奉訓大夫、以上從五品。承德郎、承直郎、以上正六品。儒林郎、承務郎、以上從六品。文林郎、承
事郎、以上正七品。徵事郎、從事郎、以上從七品。登仕郎、將仕郎、以上正八品。登仕佐郎、將仕佐郎、以上從八品。文散官四
十二階由一品至五品爲宣授。六品至九品爲敕授。敕授則中書署牒。宣授則以制命之。其官常對
品惟九品無散官。則舉其職而已。武官雜職亦如之。

謹案唐制自三品以上官冊授。五品以上制授。六品以下敕授。元則一品至五品爲宣授。六品至
九品爲敕授。則明制之五品以上授誥命。六品以下授敕命。實本諸此。而國朝因之者也。元之九
品無散官。但舉其職。正如今未入流之比爾。

【元史百官志】武散官三十四階。龍虎衛上將軍、金吾衛上將軍、驃騎衛上將軍、

以上正二品。

奉國上將

軍、鎮國上將軍、二品・昭武大將軍、昭勇大將軍、昭毅大將軍、三品・安遠大將軍、懷遠大將軍、上從三品・廣威將軍、宣威將軍、明威將軍、四品・信武將軍、顯武將軍、宣武將軍、四品・武節將軍、武德將軍、五品・武義將軍、武略將軍、五品・承信校尉、昭信校尉、六品・忠武校尉、忠顯校尉、六品・忠勇校尉、忠翊校尉、七品・修武校尉、敦武校尉、七品・保義校尉、進義校尉、八品・保義副尉、進義副尉、八品・

謹案元武散官悉沿金之舊號惟無從一品及正從九品而差易其等秩耳又元內侍散官一十四自正二品至從四品爲大夫者六自正五品至從八品爲郎者八又司天散官一十四自從三品至正五品爲大夫者五自從五品至從八品爲郎者九又太醫散官一十五自從三品至正五品爲大夫者六自從五品至從八品爲郎者八又教坊司散官一十五自從三品至正五品爲大夫者六自從五品至八品爲郎者九亦附著于此

明

【王圻續文獻通考】明太祖以中外文武百司職名之沿革品秩之崇卑勳階之升轉俸祿之損益歷年滋久屢有不同無以示成憲于後世乃命儒臣重定其品階勳祿之制以示天下

【明史職官志】文選掌官吏班秩凡文官之品九品有正從爲級一十八不及九品曰未入流文之

散階四十有二以歷者爲差正一品初授特進榮祿大夫陞授特進光祿大夫從一品初授榮祿大夫陞授光祿大夫正二品初授資善大夫陞授資政大夫加授資德大夫從二品初授中奉大夫陞授通奉大夫加授正奉大夫正三品初授嘉議大夫陞授通議大夫加授正議大夫從三品初授亞中大夫陞授中大夫加授太中大夫正四品初授中順大夫陞授中憲大夫加授中議大夫從四品初授朝列大夫陞授朝議大夫加授朝請大夫正五品初授奉議大夫陞授奉政大夫從五品初授奉訓大夫陞授奉直大夫正六品初授承直郎陞授承德郎從六品初授承務郎陞授儒林郎吏材幹出身者授宣德郎正七品初授承事郎陞授文林郎吏材幹授宣議郎從七品初授將仕郎陞授徵仕郎正八品初授迪功郎陞授修職郎從八品初授迪功佐郎陞授修職佐郎正九品初授將仕郎陞授登仕郎從九品初授將仕佐郎陞授登仕佐郎

謹案明文職散官之制凡初入仕任內未及初考而遷調改除陞等者及考覈平常量才降等而非貶降者皆得初授階初考稱職任內已及初考遷調改除而品級仍前或任內已陞授未及再考遷調改除而品級仍前者皆得陞授階凡及兩考而事跡顯著者皆得加授階又建文二年以周禮卿大夫士之制更定品級階勳遂更尚書爲特進資政上卿侍中爲資政卿侍郎爲資政亞卿郎中資政中大夫員外資政大夫給事中嘉政中士正九品爲保義士從九品爲保義下士時

用方孝孺議請倣周禮建官故有此制永樂時悉改仍舊焉

【明史職官志】凡武官六品散階三十正一品初授特進榮祿大夫陞授特進光祿大夫從一品初授榮祿大夫陞授光祿大夫正二品初授驃騎將軍陞授金吾將軍加授龍虎將軍從二品初授鎮國將軍陞授定國將軍加授奉國將軍正三品初授昭勇將軍陞授昭毅將軍加授昭武將軍從三品初授懷遠將軍陞授定遠將軍加授安遠將軍正四品初授明威將軍陞授宣威將軍加授廣威將軍從四品初授宣武將軍陞授顯武將軍加授信武將軍正五品初授武德將軍陞授武節將軍從五品初授武略將軍陞授武毅將軍正六品初授昭信校尉陞授承信校尉從六品初授忠顯校尉陞授忠武校尉

謹案明武官六品之外亦有正七品從七品未入流爲安撫僉事蠻夷長官之屬此當如前代流外視流外之比故不著於表又明初定欽天監散官自正議大夫以下大夫郎凡六等後改從品級授以文職散官太醫院亦如文職授散官又洪武四年定內官散官自正四品至從五品爲大夫者四自正六品至從八品爲郎者六考唐之宦者所歷散官與文官同金元別設內侍階亦以郎大夫爲號而明因之則仍與士流相溷惟宋自爲十二階然品秩優重於名器實爲褻瀆我朝惟欽天監太醫院官仍明制授文職散官而內官則但定爲五等其散官冗號盡行革除詳見內務府太監職

下。制條。於以澄流品而抑僥倖。誠足爲萬代不易之令式矣。